

涉齋集十八卷

宋許及之撰

清乾隆翰林院抄本


二冊

本部书开始

书 号 5888

本片卷含

沙齋集



欽定四庫全書



涉齊集卷一

宋 許綸 撰

五言古詩

新晴

連旬困梅霖接夏潦乘溽泄雲渙新霽遊興難管束出  
 關便航湖停篙葑蒲綠漁歌入浦淑沙禽亂驚浴昏霏  
 送霞落依佈辨林谷初更電輝搖輕雷忽相續蛙聲雜  
 猛雨波翻碎鳴玉何能足清睡快舉卮酒沃明朝看晨

金定四庫全書  
卷一  
光未必非所欲

次韻葉德友苦熱吟

避暑本無法有法心可移  
達尊迫人事盛服嚴天威  
六月厲戈甲百鍊親鑪錘  
前驅上峻坂後鞭禁長吁  
正午萬竈增尅晷千夫炊  
轅門待排結軍令無徐舒  
陸渾救急燎藥巴稽喫霏期  
以片時滅不許一草萎  
醲賞激勇往畢力爭忘疲  
不計揮汗雨寧思濯風漪  
當其用力所豈復知熱時  
萬事心地存百年火宅驅  
四時更伐謝伐

至爭愆逾積陰理必復  
大夏陽常居及此當歛  
翹豈得懷鬱紆杜願踏層冰  
幾欲投清池韓思生深甑  
為說亦豈踈極知隸元氣孰與逃  
象滋聊用供嘲咏且以相戲  
娛吾儕幸安適家食饗委蛇  
念彼方熱耘焉能思逃虛  
靜勝昔人心屢空斯晏如  
况子負深譴省咎闔重扉友  
朋相急難往復通有無  
每懷子葉子久與期襟期  
有此苦熱吟句韻兩崛奇

喜雨次韻翁常之苦熱吟

羲和不弭馭炎帝方秉機孰不愛趙衰誰肯觸武威豈  
知鑠金石乃得齊璿璣鹿角甫云解葵箠無停揮萬寶  
成南訛一枕安北扉殿開施餘薰茅茨溥增輝昂昂百  
年內咄咄七十稀臨流抒我懷新浴振我衣雷雨急生  
涼天恩覺淪肌詩來取靜勝句到不吾欺盛服思客位  
重鎧念邊陲當暑如懷秋秋至勿興悲

再疇常之

理極終必復孰逃造化機司夏流中氣執衡振嚴威有  
懷渴雲霓不願雨珠璣油然起峻嶒閃若驚霍揮嘉澤  
徹中宵涼颼入重扉良苗固懷新治業亦生輝從欲天  
匪私屢豐古實稀垂老藉香火凌晨肅裳衣百拜屈我  
躬萬感銘我肌茲生每有逢末路敢為欺正爾飽邱壑  
及此軫疆陞念終抱媿耻已矣徒傷悲

中秋見懷

明月出海底先照彤庭墀正以合德故爭效朝宗馳須  
臾散精彩普率揚明輝常時或顯晦所歷隨茫瀾及茲

秋中氣燎然光滿規豈但碧漢澄無復宿霧披如坐水  
 晶宮更泛碧琉璃凜凜栗膚髮炯炯析毫釐竟欲乘浮  
 槎試與窮垠涯或擬斫却桂或云生桂枝蟾宮到者折  
 不生豈不稀玉斧修何事倒即無倒期沉吟自絕倒痛  
 飲忘傾歌茲辰病因仍良行覺支離始行浮雲多猶欲  
 一口吹東牀念齋夕妙語寄相思詞到律自協意古趣  
 更奇今雖減冰輪猶照蘸甲卮寄聲街南翁斯辰可無  
 詩我欲資雋永庶以得自願

侍南軒先生卷雲亭望嶽麓積雪分韻得初作

二字 案此脫去作  
字韻詩一首

新元既涉九臘尾春未初司寒勵餘職飛雪來庭除因  
 風稀復密潛陰慘還舒瑞色入隴麥祥膏潤園蔬未足  
 映書讀已寬帶經鈕和氣融比屋所積惟林廬悵焉起  
 遐觀未知問所如南軒笑領客操已敢作踈豈無門下  
 生不肯升籃輿衝泥按徐轡秀句生蹇驢卷雲畢清集  
 湖山眇開予蜿蜒翠麓中萬瓦參瓊琚急掃供茗事隔

江竟煩渠終日樂未央不為食有魚十韻分九人其一  
固閨餘併以屬汰礫敢下馮婦車屯雲方雜沓二白難  
躊躇須公專唵筆載賡仍屢書

張時可席上喜雪分韻得水字時予後至周希  
稷期而不集

寒威逼重幃皓彩墮庭肥不謂晦日愁乃有豐年喜更  
長要深盃客緩愧停已後來固自佳不至猶可紀傳香  
共分題索笑驚落紙摩挲玉梅餅凍合西湖水

次韻黎師侯登王叔武昌閣看雪

春雪如過客所止留莫住但見空中馳機心逐鷗鷺度  
臘凜餘寒同雲忽朝聚乍看鮫泣珠漸覺柳飄絮少馬  
有矜色瓊枝鬪玉樹登臨須勝流著我覺形汙北山鮮  
明姿愛客急修具坐間兩荊州翛然隱風度更著老彌  
明清談屋瓴注客醉主亦歡主醉客即去剝啄鳳沼來  
忽得石鼎句便可當畫圖却將醒眼覷

次韻轉庵用山谷半字韻見寄

居閑數相過每語夜參半稍作一日踈已起三秋歎老  
去惜光陰歡來猶把玩去年摻袂別轉看搏沙散恍思  
麋鹿侶豈是鴛鴦伴拂龜信逢辰聽雞虞失旦冉冉金  
堦趨穆穆玉皇案端笏儼一夔曳履儀十亂咸德足享  
天旅薦潔初盥疲鴛亦自鞭百駕祇恐緩以茲故山夢  
累累若珠貫佳句自山來居然起衰懦平生錦繡腸不  
復置冰炭室邇猶遠思迢迢况閩館加意松栢姿聊逐  
桑榆暖歸投玉女壺天當一笑粲

次韻書懷

世味真嚼蠟閑趣覺雋永閉門讀舊書拓牖豁微罔闕  
道忘一斑反身得三省佳人不可招妙處誰與領未別  
聊晨門已獻那泣郢向來真左計只合事幽屏感君汪  
洋波洗我榮辱境逢原得新功餘潤及古井筆端有轆  
轤句法見馳騁梅花動鄉思霜風吹鬢影言歸日在念  
未策心已警咫尺看白雲祇隔馮公嶺

次韻疇徐居厚寺簿



渡江見三白飛雪為誰妍因山行畢後憂國且願年眷  
言靈駕發綿延屬車駟陽侯既効職滕六敢自賢閣陰  
不忍下竣事即隨前山林亦縞衣揮灑紛素筵似與孤  
臣淚同作珠貝編豈無訪戴舟拘文不容辜感君相料  
理語妙堪流涎奈何補天手袖此鑑湖堧不受鄰僧米  
顏公合憂煎接抄暎雪眼聳吏嗟詩肩同時天下名一  
日方九遷君不策高足餘子煩後鞭

再用韻

正士如正色耻與俗競妍老成信遲鈍阿婆曾少年斯  
人寄閑地宇宙豈贅駢向來馳天壤誰者相愚賢我欲  
從之游每恨不得前茲行本尸祝代庖誤當筵高軒既  
枉過妙語亦盈編受施不知報力疾可復牽風雪久為  
虐江湖長蛟涎天豈困男兒地闕東南堧惟有皎潔姿  
不受寒暑煎勉子加飧飯行行盍仔肩時哉有通塞道  
豈隨變遷願將釣竿手一為公執鞭

王弱翁同年以多病故人疎韻五詩為惠次韻

奉酬

王君圭璋姿宜在條理科妙語天發成瑩徹非礮磨宗  
廟要琬琰世豈無卞和顧恐太分明頗覺瓦礫多  
斯文萬金藥不救俗儒病盧生誰云邪夫子未出正羊  
腸駕筋輪鯨瀾泝孤榜噫乎吾道難自古閑衰盛  
江水日萬折衮衮望東注饑鳶無停飛不足了雛哺君  
看青紫綬但供折腰具物理信如此焉敢辭世故  
葉脫秋色靜水落洲渚陳文昌易為月翩翩欲相親蟬

聲老逾夏乍聽意覺新此詩酒一尊不可無此人

心競事未已趣了計有餘彭澤八十日便可膏吾車趨  
時方枘拙涉世孤舟虛君無攻吾短政爾吾太踈

直舍考校次弱翁再用前韻

胷中無渭涇筆下安詮科糊名彊別白朱丹困研磨傳  
詩得建安妙畫追永和快讀洗我懷珠璣拾何多  
我句蕪陋質聊學捧心病君詩婉孌容毅然色更正唱  
歎朱絃音流喝清池榜足亢江西宗它年耳孫盛

官冷得酒錢便欲糟牀注不管門東兒張頤湏咽哺堪  
笑布帟婦遮藏備脩具君自不紆軫何止傾蓋故  
夜讀舉子語憂憂務去陳喚起場屋夢倍覺燈火親科  
第計謂子癡兒事方新寄言山內友勿念塵中人  
堆案即姑置棲息萬籟餘塔除勃窣行兩脚當我車徑  
欲煩客卿相從賦子虛麴生不可招坐令此計踈

轉庵集客分韻得作字見示次韻奉酬

轉庵詩老手久不見近作尚友喜文會分韻得真樂聯  
翩來巨軸淋漓想酬酌異味非五鯖良裘豈一貉有如  
得良劑居然起深瘡雖微與茲集所得良不薄山王果  
為累竹林誠可略何妨贅賡酬聊復資戲謔永言相忘  
友久要欣有託後當不如令今可不悟昨亦欲見真率  
正須先宿諾少待天氣涼偉觀灑高閣

轉庵再用作字韻見酬有著蔡休咎之語復韻  
為答

步蹇無良行思苦乏新作蟲聲徒自切我病有何樂言

寫紆短懷深汲難遠酌敢嗟鳳兮鳳正慙貉非貉詩家有鑿王同社求句瘼固不相短長祇恐自鄙薄胡為作蟻夢乃欲談豹畧此意誠起懦斯言幾善謔天幸吾已數人生歸有託居然成老醜何者裨晝諾知予與罪予併束春秋閣

次韻滕丞以古風為贄

松栢覆高岡根株滲七澤雪霜有古今柯葉無改易上干青雲霄下庇神龍宅噦噦朝陽鳴杳杳蓬堵跡五色  
緬文章八音諧金石群飛競婆娑爭附第充斥匠石既罕遇社櫟顧何益伶倫不雌雄嶰竹雜螻蛄藍田驚世瑞造物等兒劇昨曾闕爛斑今猶眩朱碧居然獲徑寸幾欲按三尺久之置懷袖尚爾賒踖踏姑憑副墨子往備庾桑後

陳西老詠檜古風次韻

古井千尺深而無一寸波古栢蔭其旁悒悒長銅柯明堂一柱難如此櫟棟何匠石久袖手高岑鬱戔戔天風

一披拂劍佩相憂磨不願為阿房千門貯秦娥願作寒  
士苾渠渠共婆婆吁嗟不相貸飛輪迫羲和誰歟薦輪  
困萬牛未為多

次韻陳大用分韻得對字

離群易興懷會面即忻對茲豈非人情況復是吾輩稍  
稍不晤語翼翼已心憤世態炎復涼畫事素先績餘子  
紙硃硃良友抵珍珠仲方真小難煑糜是所愛有作窺  
古淡如女洗妝黛亦嘗和宮徵惜不聽環佩是舉終當

了此事可使廢轉庵傳分韻容成憶同載肝膽徒輪困  
醅酢任瑕類

次韻陳大用

林巒迫搖落卉木見槎梗物當各歸根人盍思退省我  
今幸投閑日力競俄頃闔戶思寡過出戶忘造請第知  
龜藏六火似蛙坎井佳客車枉門好語裘挈領遽發醢  
雞覆如脫狐狷甯見道乏新硯導窾昧微縈元方擅能  
事轉庵互規警倡醅傳五字翫味消百青盤飧共麤糲

軒窗臨閨靜恨方厲霜風惜不行  
蔗境何當歷崦岑相與忘  
畛町江山開偉觀華蓋登絕頂

與同社遊山園次翁常之韻

眷言太玉峯本是仙佛宅端視儼若屏  
側睨展如翼洞府何渺茫傳聞見圖畫  
疆理雖東甌題品經謝客至今味篇咏  
當時想游歷顧我本萍泛買隣寓棲息  
江山自呈霜卉木因種植鑿巖得泉香  
拓戶見山色佳客入庭戶英氣來几席  
幽葩芬石根好鳥絃坐側挂笏山之西

挈舟江以北明月浮可捉踈星掛堪摘  
拂晨天宇淨出海陽烏赤修嵐爍紫翠  
遠目眩朱碧峻嶒雙塔影突兀古殿眷  
媚川溟渤寬絕境天地窄前賢未嘗忘  
勝趣何有極茲時屆清和同社共激推  
肯為終日留喜免重城隔長歌響林垌  
妙語出金石爾汝合忘形拘攣非遠識  
莫嗔驚著汝試問今何夕曹劉墻可短  
丘崖肩可拍却笑山陰會翻悲昔人迹  
喻指孰非是計馬誰失得明當新詩來  
勿憚難韻迫趣歸不忽忙餘興猶襞積  
感君吐

金定四庫全書  
卷一  
瓊瑰為我寫骨髓

六月十五日西湖夜泛高炳如集客趙臨安蟠  
老致餉同遊者陳可行楊少雲李元德王順伯  
何紹彭張宗尹楊氏子弟寺僧方與焉次炳如

韻

西湖著明月萬象各偃伏夙昔湖上游賡醅動盈束未  
有夜泛詩此諾吾屢宿剝啄聞招呼聳吏戒行速讀君  
紙三過洗我愁萬斛行行正作意在在堪刮目山光真  
起予過雨儼新浴精藍憩深幽踈篁庇修綠棋聲節風  
甌參差自成曲睡乍味覺甜語軟氣能馥老僧與客忘  
諦細楞嚴軸小立水花淨一堤良意足方舟曉興動篙  
人聽回復薰風散金波心境兩愁獨是中有妙句萬古  
無管屬詩家高書記前趙今鮑叔歸來要推敲遣餉到  
林谷陳榻初解懸膺門契仍篤不遺太學著王楊共高  
躅陸笑阿戎談足以侍几牘支郎更可人啖蔬如啖肉  
而我廁髯張形骸愧珠玉敢逃青白眼僅免朱丹轂明

朝軟紅中清遊亭應續未嘆終淹淹湖山已收錄

次韻薛子明由羅浮登富覽

羅浮映掛綵富覽游茲亭地非南海嶠山結北斗城雙  
鰲插奔瀾萬峰若屯營往復信潮汐日夜歸滄溟沙漲  
陵谷移水落洲渚橫謝客紆目力郭公參地形夫君有  
心哉象緯羅中局

次韻薛子明賦雪淵寒瀑

南山阻且秀三峯屹而挺笙跨夜鶴聲松納古潭影珍  
潛滄無朕樵涉深及脛星娥閔靈蹤月卿探幽屏同氣  
想飛霞相過談倒景儻遇蓮葉舟定自太華井

遊石梁

天柱昔飽觀石梁今創見愧此又矜姿空費輪困薦安  
得愚公移往作靈光獻突兀千里間萬普適寒士願

沈文察院次遊鳳山韻見示再次韻奉酬

短思如枯枿不忘雨露滋一朝得甘露牙蘂紛差差向  
來圯上編沈文嘗惠詩一編敢孤老人期至今巾篋中常覺律



呂隨風骨自難蛻寸心恐終違若語<sup>苦</sup>迫應酬如醉多傾  
歌擬求風斤斲庶使膠柱移遺以五色篇服之欲生翬  
東隅縱已失南車足占迷堂堂豸冠老偉論堪扶危不  
妨似嫵媚正爾煩逶迤餘事出長枝<sup>抄</sup>傳玩爭於持高登  
有催和好雨誠知時疲鴛懼難駕渴驥思脫羈行當遂  
遠放鴈伴聊同棲

遊道林嶽麓寺詩

幕府日多暇而無簿書勞喚渡涉湘西鼓枻<sup>歌</sup>離騷今  
日湖南山領覽歸我曹頗覺葉舟穩夷塗自風濤

道林訪幽棲羈懷愜所尚嶽麓振前策盤紆得夷曠向  
來北山移無物辭嘲謗見此意豁然泉聲助悲壯  
從昔遊山人留題盡名字壁昏暮鴉棲石膩羣鴻戲今  
人來更多後觀復長喟吾儕幸聞律柱<sup>詳</sup>笏致爽氣  
名山喻名理妙處湏獨到提耳從百聞豈盡歷歷告茲  
遊太清絕足以償宿好相期歲寒姿對此松柏操

欽定四庫全書

涉齊集卷二

宋 許綸 撰

五言古詩

曾主管由宜春道中得遺棄小兒屬予收養道  
間寄詩紀實次韻奉酬

日月被八極覆盆自無明陽春嫗萬物孤翰有悲鳴所  
以聖明治要燭幽隱情一早出料外誰與填饑坑豪家  
亦何心開糴門忍橫指困寬磬磬凜若臨大兵雨餘百

金定四庫全書  
卷二  
憂洗痛定猶忡怔今代子曾子贊畫外臺清高軒昨過  
我絕塵不容矐歸途出城闈岸許聞啼嬰下車非內交  
一念千金輕摩挲脫九死感慨恩更生抱持涉數舍見  
我托此媪再拜敢有渝鞠養專廂榮嗟予何為者世故  
亦飽更識君千萬間胸次久已成所饑非一兒公乎勉  
功名

曾主管專介取棄兒再次前韻

自別心耿耿奈此秋月明晨興洗我耳鵲鵲枝間鳴踵  
門得緘翰中有惻怛情眷彼水際兒感公脫危坑傳之  
邑父老相語涕泗橫鄭重煩取將摩挲付老兵忌飽體  
未充慣拊心無怔應答已如響炯炯雙眸清試問父母  
誰恟恍目屢矐微公父母恩何以活此嬰兒生未有知  
陰報已不輕公猶不自德安得名許生共惟仁聖朝發  
政先鰥嫠吾儕值歎乏詎敢孤官榮二星妙宣指悉數  
僕屢更三接尚須臾一路當生成况乃幕中畫實負當

世名

來書欲名  
以許生

湖上餞沈興國分韻得二字

赤驥見已罕名駒更兼值吾鄉推賢侯逢人語詹事訟  
簡古風還心清民業遂江山妙主盟景物恢位置如何  
柱石安尚以牧伯寄北闕別經年南薰動離思居然軟  
紅中見此清白似松筠儼長身雲霄舒直氣寵光竹使  
符假借玉堦地餉計曾入幕軍容有竝議恭聞天語溫  
喜見家學粹它時課最騰看即壘書被令晨欣壽節輕  
陰遞涼吹三呼禮云畢一笑天所施榴花染白雲游儵  
芘青芟畫舸得夷猶名園隨造次懷綬却羨君戲彩且  
歸侍不繇鴈蕩山即過石門寺永嘉政久成謝公跡重  
記剩有名詩章因來寄一二

送蓋總領上計三首

絕代有佳人岑樓碧岩堯即之起幽芬可慕不可招風  
雨二十年寒榮聳高標置之白玉堂致主軒與堯胡為  
枉襍被江干駕輕輶施物功方成丹砂夜生苗披腹吐  
琳琅碧簡趨丹青

金定四庫全書  
卷二  
昔者云夙駕楊柳方依依今其望來思兩見秋風吹前  
乎已勞還後此亦云歸丹筆映螭坳祥風動紫微豈不  
念歸美正爾畏簡書不見居官樂惟憂士卒饑昔人無  
遺孔後來補深疾炯炯心獨苦所貴知者希

熠熠飛者螢變化自衰草時至能晶熒翕張合吾道微  
光苦不息豈足裨穹昊迢迢風雨夕耿耿祇自保苟無  
車先生分合委枯槁乾死誠未悔藥籠資探討

送孫會之縣尉秩滿歸廬陵

人生貴相知不在相逢早廬陵說三孫脩名愜諸老伯  
也吾同年久別心杲杲季也真可人一見顏色好金石  
出几杖握手屢傾倒屈菟雖尚醒賈骨久云槁微君寫  
窮愁何以慰懷抱再見一尉更取別何草草回視徒四  
壁蟬聲綴吟藁向來雕斲工見輒迹如掃汲深無新泉  
送子慚涸潦珍重皎潔姿相期在斯道

送趙倅滿秩東歸分韻得念字

官間頗成贅習嬾積懷歎古井無復波寒灰豈能燭苟

且信自慙奔競亦良厭學道無新功但覺益友欠夫君  
珪璋姿表裏絕瑕玷瓦礫誠可羞溫潤得漸染向來三  
語稱吾里懷鬪覘名談造根柢高文在鈇槩轉首十五  
年天庭久宜揆胡然慰窮愁相逢古天塹治中員外置  
縮手靳鞞從容國醫旁出語即中砥邂逅秋云滿蕭  
條理琴劔炯炯幽者蘭林深守孤艷寧受蕭艾欺忍使  
資業僭誰歟功名塗由已極昏墊小草非遠志臭味真  
有忝羞殺東方生饑死更求贍因君動行李令我起歸  
念西山有石田努力事耕歛

乞補外出江臯待命泊偉觀二首

經年充拾遺一字無所補豈不懷故鄉念方事新主一  
朝冒超遷循墻不遑處寧離人間世亦戀行在所有親  
方賴祿有子方應舉守道在守官奈當事斯語

欲去不得遂正如太廟羊登俎分所宜得去喜可量聖  
度真如天不妨且翺翔扶老復攜幼遷居大江傍居然  
得偉觀悵馬渺遐荒潮頭來如山親樂想未央

樓名  
偉觀

題廨舍壁二首

明時有何遺亦復許掇拾大言得面陳小言可封入有時効踈愚豈是當務急每蒙天下馳聽之恐不及退思自生慚黃卷常在執舊田雖甚蕪新井尚可汲勉哉競斯辰萬一如有立

本不事矰戈未免執矢疑客來非不多益友毋遠之薰風時一顧素抱誰與期久要竹居叟談詩能解頤兩頰貯微笑徑造觀我私請解襜褕衣相與舉近詩

綸子效靖節止酒體賦筠齊余亦和而勉之

綸以筠名齊種筠當掩閔愛筠栽竹易見竹知筠難竹以筠為本筠居竹之間希筠歲寒操追筠古風還筠中聽琴瑟筠外瀉潺湲人與筠俱勝筠隨境共閒

重題陳漢卿貧亦好齊

古人重安貧未若貧而樂豈不愛膏粱顧乃嗜藜藿我聞首陽餓榮名千駟忤况乃陋巷子簞瓢殊不惡刀頭得幾何蝸角戰方虐以茲悟生理貧中始澹泊陳侯清

時英廊廟宜着脚圭竇勢豈容貧齋意聊託蒼生方饑  
渴未可去盤礴且來祿萬鍾脫粟躬自薄

次韻常之松廬有感

年少愛節序老大感歲時亦知夜漏短自喜晝景遲懷  
人笏頻拄矯首帽屢欹至情何慘愴同氣相因依君家  
說大難心胷緼多竒永歡思伐木長歌倚式微眷言無  
鴈地渴想前鴻俱一別如昨日二年忽今茲數傳龜組  
解備著鱸風詞寒鄉少瑞應遠覽期長離解纜辭江臯

反袂接水涓無從猶出涕有弟應垂淚今見松廬作可  
勝薤露悲憐君抱苦節愛兄見哀詩無復逝水向當有  
高山知老慙無領解久約同襟期勉和吹篴章聊慰深  
長思

周時仲提幹求二親墓亭扁答以攀栢因為著  
語

掃松拜親墓攀栢念親泣栢露滴兒衣兒淚和露濕五  
鼎從可陳三釜嗟何及墳前白頸鴉終日聲楂楂



跋宋朝老再和陶淵明歸去來辭

吾鄉說三宋伯也抱奇偉太學三十年不作舉子語晚  
當拜特恩青衫送還官開口論世事有舌不可捫吾皇  
開壽域汪濊澤萬國勉公俯而就如女有正色翻然感  
際會千載今一時誰歟俾宿留再和歸來辭淵明歸有  
田公歸徒四壁姑奉祝融祠勝煮南山石公乎未得第  
我輩慙登科空殮了無補奈此歸來何

次韻題吳無過所藏張無垢難老堂詩軸

養親感卧冰慕親悲履霜眷茲母孫情胚胎炳前光先  
生一獎勵吳氏增激昂至今諸孫行如立嚴師傍躬行  
斯入室言辭特濫觴當時五子名佩服詎可忘省也滋  
拳拳何止升其堂

次韻廖端叟求墨

憶昨同舍時愛子志尚堅研窮非口耳點勘分烏焉讀  
聲鏘金石筆思湧漪漣合并幾寒暑分散如雲煙家雖  
才咫尺見且無資緣甥館聞徙居我屋欣接椽乃以隨

吏鞅而歎抱遺編嗟哉燕鴻隔漫爾夔蛇憐三年閱黃  
榜萬選遺青錢祇擅文場聲不上吏部銓儒冠未為誤  
洛誦方流傳夏課煩送似唐律仍燦然為墨貽古作如  
珠出深淵書生均老醜嗜好相後先亦有大禹圭未許  
蒲氏賢何惜遺久交相得真忘年久知鐵為研更以心  
自鞭矧古傳毛穎端合遺陳玄落筆看餘萬斗酒須十  
千雖無蘭亭蘭願助常郎跋古今一俛仰人墨相磨研  
有無要相通唱和聊成篇我今闢三徑門開西一偏已  
過中秋月皆為晚涼天何妨對花下取笑同樽前第慙  
葵衛足欲愈猶聯拳

次韻德友惠黃雀

興來把酒杯徑欲連臺拗聊用資吟哦豈謂貪醉飽晨  
起秋思清茶罷詩腸攪筠齋佇遠思詩筓馳速巧餉我  
晚田雀如鷹初脫爪惠我長城句如棟畧無椽雀命雖  
甚微饑驅亦良撓何異不農耕而乃竊祿稍哦詩思陶  
謝論交懷管鮑只消寄詩篇斷不厭煎炒

再次大用韻賦梅花

暖律回枯荻春陽發寒梗梅根有特操花事每先省分  
苗本十洲孕玉可十頃松篁納深交桃李絕竒請冬居  
姑射山下蔭太華井幽棲有心賞巡簷常笑領相對各  
忘言豈但無機穽詩雖道未尊技可造經繁孤標固洗  
凡累句自無警轉庵詩家醫妙劑即甦肯元方詩家禪  
默參惟打靜欲離香色想恐墮人我境昨夜來朔風吹  
香過南町小解作淺語醍醐欣灌頂

再次轉庵用梗字韻賦梅

見梅思洛陽何愁道路梗見雪憶灞橋便可心思省仙  
家種玉成造化炊梁頃凜然孤高標敢以塵溷請將軍  
有傳令遽成臨渴井王言惟作命盍作和羹領香色歸  
本根滋味豈機穽自非泯全牛安得試嘗察轉庵句中  
畫梅詩言外警難韻有轆轤妙語壓藍青昨夜垂垂雨  
一洗娟娟靜便覺容成圃真是太玉境朝來知見香墮  
在區別町不如兩忘言搔首孤山頂

園丁以菊為屏為船轉庵竹院諦賞不足分題  
得塔字

眷彼東籬花忽作西靈塔又如船子泛復似南屏園  
翁起童心須彌欣芥納分題要鏗鏘飲秋振蕭颯我合  
浮屠尖工須盡溪畚陵增玉崔嵬團藥金匱西巖然香  
色俱間彼青黃雜天成具體相人事因假合願脩衣被  
供用作布地蹋那將有漏身久實無縫合轉庵曾著語  
竹院嘗掛搭我有一句子無問亦無答

德友惠竹栽甚富而又得佳篇既種復喜雨次  
韻謝之

嗜酒愛風竹種竹涓日醉小園窘邊幅雜芳紛位置比  
君何可無野卉闢之易畝許得滋曠千箇栽不翅故人  
雖借居愛竹有幽致肯割鐘山青分植容成地移來天  
亦喜涼生兼雨值既免躬抱瓮何惜親閱視颯爽已可  
人能同聽秋思

轉庵觀趙十一聖花

有藝者趙生雜出逞活法飛走異族類指教各馴狎  
戲竿欲摧險弄省將壓當場等嬉笑旁觀舉震雲其間  
聖花術殆是天下甲出沒鬼物驚變幻風雨霎覲面喚  
名葩信手如素椀洞視空樊籠赤立卻巾帽居然齟齬  
兒恍出虎兕柙脫索婦更神倒錐目不敗穿楊百步間  
設的兩口夾一箭中閨挨四坐駭汗洽或馳若轉輪或  
舞若揮箠機絨孰主張造化在噓呷技進無萬殊妙用  
纔一指儻然自胡越誰能會鄜郊

次轉庵聖花韻

轉庵詩三昧仍嗜書八法寫出金彈句可翫不可狎  
近觀聖花作險若君獨壓壯如錢塘潮清若茗溪雪僚丸  
同妙手疇蜩真脫甲庖刀方奏書郢風復運雲文章特  
小技聖處奚假揅得趣堪獻佛高唵岸烏恰達者越拘  
孳迷者泥檢柙豈知造化機目擊不容貶袞袞萬馬奔  
翼翼兩攻夾靈根有變通時雨自浹洽意輕秦趙璧價  
重蒲葵策記舟何用痕印錢偶因搯於道得達尊問鼎

不問郊

案此首亦次前韻原  
本脫去呬字韻二句

范武子輓詞

嗚呼吾武子天乎奪何速瀟灑錦繡腸秀潤琅玕腹出  
口論世事好語驚拙目孝友式里閭急難駭僮僕曩於  
建業都共忘主人屬但不同姓氏何翅如手足一日不  
晤對尺簡頻徃復中夜懷清姿有夢墮脩竹時予悼伉  
儷感爾念鰥獨別去幾歲華亦聞悲壺淑同病心相憐  
異縣情愈篤我欲託以妹子不鄙其族兩窮忽相值一  
家有餘睦去作建安縣振彼七閩俗豈不化彊梗元不  
用鞭朴邑人歌載途當路薦聯牘彼守何堅忍於民能  
迫促二年甘不考百謫寧忍辱子方困吏鞅妹忽淪鬼  
錄入戶悲方纏出門濕加束駭足不受羈鹽車宜折軸  
訃來忽收書痛甚不容讀未令吾母知可聞爾母哭人  
生會有終汝死寃乎毒吁嗟先大夫艱難脫荒服衣鉢  
自桐鄉生涯去巴蜀清德誠可種石田不能粟爾母今  
在堂何以供水菽爾弟獨當戶何以資耕築三兒須教

訓一女待鞠育自愧貧多累未能分薄祿近擬乞州麾  
因用致家塾此願未吾遂有身莫渠贖所居讀書岩旁  
依紫邏曲憶昔曾同登相期共結屋今晨何為者昨夢  
不可續平生樂哉邱終焉埋此玉雖遣莫芻陳不及墓  
草宿嗚呼吾武子臨風淚盈掬

欽定四庫全書

涉齋集卷三

宋 許綸 撰

七言古詩

應致遠以百韻古詩見示推許過當病中姑借

放翁韻奉酬

我詩何敢希楊公况復進之陸放翁煩君妙語相縱更  
控地豈得追培風兩翁齊名家異縣歎惜餘年能幾見  
斯人不上甘泉班我輩先之覩顏面君到靈山親得語

切莫提撕落言句恨君相見一年遲不同薊北燕南路  
胡伯暉有詩訓豚犬輩次韻以廣其意

金風著幕驚新秋銀河搖落光飛浮天籟既息蟲聲啾  
書生白髮不解愁挑燈夜誦疾於流人生在勤業箕裘  
少不努力進厥修老將噬臍孰怨尤悠悠天壤畢微休  
安得獨歎命不猶昔人忘食兼忘憂何適非學息與遊  
道不敢徑川不游朝嗟暮諷夜枝讐至理漸漬如膏油  
好處心會非力求不特祗為科第謀正使積書如鄴侯  
手尚不觸讀豈周張口雲霧正自羞學與不學人馬廐  
汝曹曾念及此不賢師學到無全牛乃翁為汝相延留  
一官為援乏虬虬欲餽汝口違松楸敢辭折腰向督郵  
賦歸無地堪耕收勉旃汲古到索邱困來時復揩雙眸  
憶昨得君和陶詩牀頭細讀人謂癡二南固自立墻面  
十駕亦欲鞭駑疲退慙作吏了無補正使得句安能竒  
有時拈筆弄紙墨大似臨敵收槍旗投老且願共詩社

次德友韻



鬪健聊欲為兒嬉恨子寓舍苦迢遞有僧借屋無奔馳  
乞米不須煩送似無儲自足常宴如轉庵與為方外舊  
僕也何翅管中窺豈有脩竹真可款曷不宿霧及早披  
來詩賡疇特未已追逐登臨隨所之

得趙昌甫詩集轉呈轉庵却以謝夢得詩見示  
有詩次韻

我饒嗜詩欣染指但見其長有誰毀早年游方識趙謝  
如魯逢掖宋章甫謝詩瀾翻豪且古趙句清癯澹而苦  
學力到後成一家渠自不知為孰使天各一方費渴思  
想見冰增寒似水居然老手斫方圓出戶中規還中矩  
轉庵活法已參遍何止得心仍得髓我如無寶窮波斯  
望著是珍先自喜忽得趙壁急呈似示以謝草如寄取  
自憐老去無長進努力啗哦訓兒子

再次轉庵韻

能詩何殊臂使指得句不愁人背毀詩何緣瘦道自肥  
誰嘲飯顆山前甫誓不驚人死不休言是良工心獨苦

驪黃牝牡元不問智詐勇貪俱可使合時端如錐畫沙  
悟處快於瓠建水趙詩平澹謝竒古所以吾儕誇絜矩  
轉庵更是可憐人詩眼既高窺字髓我生何能補一字  
君美非溢私兩喜更須傳抄及同社定不驚嗟斯是取  
騷壇摩壘真幾人安能碌碌數餘子

次韻才叔分韻得七字

竹院主人新築室涓吉上梁辰取乙鳩工度材合忙冗  
分韻題詩能暇逸獨憐久不到容成片語全無課秋律  
自傷病足轉拘攣不復拋磚為倡率轉庵忽傳七字作  
頓埽陳言洗凡質剩喜金風入詩思定挽銀河洗唵筆  
鼓宮宮動妙入神上鑿鑿國愈吾疾聯翩急埽煩寄似  
已負今年七月七

次陳伯壽分韻得者字

南浦家庖亦烟火何事胃中太瀟灑少提筆力老更堅  
不信昏金徒巧瓦一官姑混錄錄中三生豈是悠悠者  
秋鐙夜課阿戎讀高築詩壇潔蓮社人傳繡口仍錦心

我詫瓊杯并玉笋阿戎官學兩俱長金固在鎔非躍冶  
轉庵忽傳分韻作啖唾珠璣來筆下挽回巫峽使倒流  
快注銀河見高瀉敢陪驛騎策疲駕絕喜風檣追陣馬  
愛詩未足老猶貪染指更嘗猶靳舍祇慙狗尾聊續貂  
安得曲終成奏雅嗟哦未了忽開予擬約憑高共紆寫  
次轉菴用坡公韻併簡洪樗野

短日驅馳駒一罅百刻六旬分卜夜殘年餘力秉燭嗟  
所冀二中并四下敢多竒疾希盧扁祇是寒溫隨補瀉  
轉菴著眼從昔高伯仲古人相匹亞細哦纖巧天許覲  
硬語峻嶒神所借窠臼已脫卑晉宋直淳更擬出陶謝  
近驚樗野輕千里遠自鄱陽踰百舍舉似詩家說中窳  
更引禪宗談倒蔗老父病後已云怯餘子聽詩應轉怕  
那令勉繼坡公韻預恐難逃灌夫罵

送蔡駿叟往金陵見留守李尚書

蔡郎百戰吞賢闕彤庭射策誰其班桂枝第一幾得攀  
一官去紂蚤與蠶留臺友第季孟間吟詩遠過陳後山

使覓仙山大藥還歸來五色應爛斑因聲為語大匠般  
君何不來予汗顏

邵廷評供職未閱月乞為淮南檢法官以歸賦  
長句見志次韻為餞

聖朝亦知賤士醜尚許追隨牛馬走園空幸免殫拙心  
材散那能呈好手萬里歸來塵撲面一夢驚回柳生肘  
同僚未至得斯人眼底輪囷曾有否青雲直上氣如虹  
要津立登槎犯斗惠文安得事仁堯吏酷自應嗤小苟  
相從幾何突未點掉頭歸去依巖藪拄笏聊看卷畫山  
岸中且飲淮南酒夫君自是皎潔姿不用滄浪濯纓垢  
正恐功名自逼人更向王畿重結綬

送趙推官持檄之興國

趙君派自天源來細考衡茅無此才文章決科特餘事  
幕府官業何壯哉論事不愁開口屢直道馳驅羞詭遇  
尺伸如可寸枉施寧脫青衫故園去宗廟之寶森瓊璫  
諸公爭欲出我門極知胷中有定力未肯叱馭隨王尊

楚狂涼涼莫宜世一笑相逢有初契尊酒論文情益親  
但不同姓實兄弟文昌堂前汝水東萬頃煙雨時濛濛  
向來簇坐覓新句多少行人圖畫中君今胡為事行李  
著身翻在圖畫裏捧檄王事不可遲何況堂中老親喜  
喜君問道康廬旁過家上冢還不妨再拜松楸有心事  
孟母卜鄰今更良了却癡兒紛案牘回首廬山真面目  
喚起三年夢中意想見詩成清可掬

崧高行上周密使壽

銀潢快瀉天無聲秋光漾出圓蟾明玉闕晏眠柝不驚  
籌帷坐見萬里情健兒飽食細柳營猛將思奮撫劍鳴  
摘試一二來帝京表裏百萬皆精兵此時崧嶽風更清  
壽酒消得如澠傾天子神武恢八紘一賢制難真長城  
鴻鈞對斡三階平珠連五緯薦璣衡天開地闢霖雨成  
中書之考遠作程回視萬卷紛拏撐一編自足垂勳名  
書生腦脂昧短檠莫耶挂壁吼長鯨相公辨取崧高行  
不惜携之上崢嶸

崧高齊上施參政壽

靈山鍾秀崧高齊鹿苑名勝神所棲水晶玉札銀成泥  
無論粉綠丹黃鑿文星相望直斗奎出藩入從黃金閨  
誰坐廊廟賡鳧鷖山經地志古有稽我公間氣令其繁  
資兼文武雙印提十年太學甘朝藟吐光萬丈騰虹霓  
雞林傳誦爭航梯至今威名訥老氏張旃朔庭撫遺黎  
鼓舞雄豪泣旄齟折衝樽俎眠鼓鞶屯雲萬里行春犁  
五風十雨無苦淒此疆爾界誰町畦不須京觀封鯨鯢  
混一少忍矜扶藜從容論道開端倪一語折衷溫如綈  
鑒裁不閱黃與驪流品自成桃李蹊琴音八極回薰兮  
長庚夜明玉繩低貂璫曉馳建章西黃封九醞天處題  
壽以一飲千玻璃公開壽域民同躋龜文燕頤額挿犀  
中書之考米一稊葛仙煉丹舊有溪從公擬欲求刀圭  
散作人間刮膜篋盡洗凡骨開塵迷

雲龍歌上周丞相壽

萬化袞袞相乘除循環甲子如數珠甲子既周理當復

豈有潤澤翻焦枯丞相補天袂袞職閔雨憂民見顏色  
雲龍契合此其時能費天工幾多力明當月色圓如秋  
書生徒倚生暮愁欲攀斗柄酌河漢一滴變化為萬流  
憶得去年曾拜月此日團圓仍皎潔極知有藥自長生  
更願長圓渾不缺今年拜月去年同却欲屏翳驅雲蒙  
久占月角如張弓兩月少雨惟多風昨夜占星忽離畢  
定自滂沱翻手疾今朝四郊已沾濡丞相明朝是生日  
書生喜極欲起舞急買香茅葺庭宇公不見崧嶽降神  
生甫申山川出雲作時雨

上南軒先生壽

岷峨一綫江濫觴意行萬里無留藏五湖洞庭沈熊湘  
衡嶽巋然鎖其旁離堆砥柱屹相望湍流橫潰不得狂  
挽回斷港濟絕航一齊衆楚勢莫當三芝五餌別有方  
狂簡痼疾瀆膏肓天遣奔波赴涸渥回視坎井足跳梁  
三浴薰之驚望洋一語咽口成周章昨夜太白垂光芒  
皎然松栢凌雪霜向來十襲一瓣香再拜斯文壽無央

願回帝力超羲皇無懷大庭還我鄉

次韻何起巖喜雨

龜坼高田畦渴雨何取尸臣守茲土抽毫擢髮控深衷  
羽衣拜章夜當午天門宮堯洞九重玉几哀矜迥三拊  
守臣有罪固合誅農夫在勤亦良苦去年早荒有積倉  
今年饑歉將空庾通宵灑潤祇若絲明發屯雲儼安堵  
初驚大點來莫當俄即翻盆流孰禦舊雨相過憶去年  
坐眎排簷亦如許我慙歷歷洗心源君喜津津見眉宇  
瑰章傑句助歡呼石燕商羊俱鼓舞急須似吸舉深杯  
莫負如澠寫甘澍

次徐漕韻賀留守劉觀文禱雪感應

雪霜之恐有至慈一片到地五穀滋所以臘中重三白  
史譏失時書直辭我公卧護北門北百姓愛公如愛日  
及冬禱雪乃愛民若有鬼神宜率職要晴要雨天必從  
玉山何獨閔燭龍一夜風師擘冰絮坐使東國成雪宮  
曉起清愁無復有如在春風飲醇酒欲歌零雨勞公歸



正爾補天須妙手

再次韻呈徐漕

留臺心與天等慈  
違春覓雪回象滋  
計臺心與留臺似  
賀版趣遣瓊瑰辭  
白戰場前受降北  
筆補造化戈却日  
郢中之曲信寡和  
鼓宮宮動能者職  
我欲十駕期相從  
今見老子其猶龍  
徑須乞公玉藥珮  
去上絕頂瑤臺宮  
下視塵寰一何有  
天地交光落吾酒  
酌公雲夢公莫辭  
能費公吟幾叉手

次韻程判院喜雪

帝心端與天心合  
務本先農斥浮末  
冬溫禱雪響交孚  
急霰先聲如撒潑  
獻花女兒弄瓊璣  
翦裁楚水煩湘妃  
東郭先生不敢出  
南枝烏鵲空驚飛  
高卧從教深沒屋  
此是天公真雨粟  
但願四海大有年  
無田可耕寧已獨  
詩翁愛日親年高  
時時夢裏見三刀  
男兒盍泊千鍾養  
蹴踏起舞聽雞號  
勲業欺人頭易雪  
化工於汝難私愛  
滿酌長歌白雪吟  
下里陽春詎有別

雪再作山甫約遊雨花臺不遂聞與諸公登鳳  
凰臺次韻送似

騷屑寒威逼重幕衲被蒙頭慵蚤作不知一夜雪花飛  
但訝五更風力惡摩挲病眼試憑陵把翫清詩何灑落  
好語自足驅瘡癘嘉祥况乃銷離瘼絕憐水筋墮修簷  
撥觸風琴響朱箔一冬溫暖憂麥蠶萬事乘除等鳧鶴  
為言三鳳今河東曾約連騶出南郭山陰舟回雖興盡  
巫峽雲歸終倖薄方疑再往成渺茫已拉羣公遯寥邈  
九萬扶搖不可希隨分榆枋吾亦樂

次韻蘓伯茂立春日雪

從事青州初入幕子墨梁園新有作春工試手欲成妍  
滕六蜚英良不惡初看到地潤却無旋喜積威乾更落  
鋪簷幕砌遍匿瑕壓瘴理蝗廣求瘼藍田種玉夜生苗  
吳娃擘繭朝盈箔認巢無處疑昏鷓歛翅有蹤驚瘦鶴  
一庭柳絮漾東風千樹梨花醉西郭犯寒覓句覺詩清  
賈勇行杯疑酒薄頗煩造物相料理頓使幽懷渺綿邈

金定四庫全書  
卷三  
回看稚子失啼饑想見田家爾應樂

登偉觀因誦老杜道林嶽麓詩用其韻

立秋三日天氣殊涼風泐泐舒鬱紆少日第挂西山笏  
暇時惟汎會昌湖投老身登華蓋頂度堂面直蓮峯鑪  
長江回抱若裹玉明月蕩漾如懷珠楠溪大源小源出  
樟浦早潮晚潮俱凌空筆架呈掛綵出海金輪看浴烏  
中川蚌胎非嫵媚港口螺浮疑虛無何以得此江山偉  
若有相者神明扶了知無一可云補其敢有二當何誅  
故人相逢笑顛錯生涯不解先膏腴且同野叟共爾汝  
免以前銜相喚呼看山未覺迷老眼報國終媿全微軀  
斫竹特為三益徑把釣勸作扁舟圖乃知絕境真妙絕  
強名孤嶼何嘗孤凭欄聊欲須疑疑飛帆正爾來于于  
明朝此興定不淺但恐勞苦肩輿夫

雅師求閣名既為作扁榜仍賦娛客雜句

妙景非聲亦非色非色豈應容粉飾東坡妙用徧虛空  
大地山河等兒劇簡齋有句添地足雨抹晴粧要娛客

黃妃塔邊淨相寺破屋荆榛十年事雅師辦得一片心  
化出寶坊全體備傑閣巍巍尊大士我欲名之無盡意  
更拈蛇足扁東偏與師餉客為客地東坡仙去可無詩  
客來了此一段奇未雨未晴煩舉似非鬼非仙竟是誰

王宣甫求崇齋扁榜仍索詩轉庵之作先成即

次韻為寄

聖門教人亦多術由也升堂未入室顏雖在寢猶仰高  
火就水流隨燥濕但見終日不違愚豈知庶幾介如石  
陶溪昨以崇名齋欲予隸古詩記實今晨忽見轉庵作  
名與詩高同起日崇齋少學用心苦晚乃一掃科舉習  
霜降自然知水落道損都忘為學益一從崇早悟師說  
心已沈酣全體易書扁外和轉庵詩不待形容有潤色  
憶昨尊公期類予似我顛愚有何獲老慙才衰惟鈍遲  
感君肯赴同襟期閉關卻掃門植榆不妨倡和來堦麓

欽定四庫全書

涉齋集卷四

宋 許綸 撰

七言古詩

次韻轉庵讀中興碑

千秋金鏡唐元龜  
苞桑鏡見龜灼知  
女主為禍已云慘  
天寶之亂尤危疑  
九齡早悟綢繆詩  
其奈哥奴基焚絲  
外人何得與家事  
旋聞潛納河洲睢  
席誇祿兒李裴和  
助桀為虐幾乘危  
趣之使亂果為誰  
張巡廟哭祇涕垂

高將軍固非遠慮掉頭肯和金刀篋四鎮休罪高仙芝  
張垆早措平章辭望賢宮中例恐饑金刀胡餅方効奇  
事有至難已言之賊心包藏久竊窺春秋知我蓋罪我  
監國引嫌孰維持顏筆勁節霜筠似元文秋月華星如

次韻袁尚書同年巫山之什

我本山澤之臞姿出處相較點與癡生當浙東巖壑地  
閒覺壺中光景遲井蛙敢從海若語鴈蕩斷謂天下奇  
一從天柱想突兀便覺屏嶂排參差盍歸乎來歸未得

今吾非故吾何之南官祝融常在望北征太行長相隨  
幾欲拓開令混一雖媿力乏猶忘疲故人將指鎮巴蜀  
大江揚舫張虹旗經行先須實古鏡及境方要塞赤帷  
陽侯似知公得句吳榜自舞山折枝有客忽傳巫山高  
長安不復紙價低陽臺從昔誇詞賦大夫無乃姑戲嬉  
山川合因雲雨祀神明何得褻瀆為牽牛織女誇自古  
小姑彭郎訛一時三復新詩有如此盡洗遺恨從今茲  
蜀道誰云在天上政譽已逐詩聲馳世情嚮背南北阮

人物好醜東西施願君滄溟恢宇量聽彼餅罌居井湄  
已為下戶蠲逋賦更要全蜀俱信眉長安父老久延頸  
關外饑餽寬張頤寂寞恐有玄尚白留落得無素染緇  
規撫楫久矣欣濟濟民俗定爾臻嘻嘻公歸得政公何疑  
勿為風月鐫峨眉歸來要續岵溪頌已賦中和宣布詩  
聽劉念九大二姬歌所和醉時歌明日亦次韻

送似時已三鼓

邊頭幕府文書省功名之心反似冷老去英雄解生肉  
功名之心死未足中原有土尚淪金中原有民惟戴宋  
天開地闢會有日竹頭木屑寧無用男兒信命人見嗤  
命輕於山重於絲未肯身同草木腐徑欲名與天壤期  
行藏我何有交友勿復疑躬行即吾道歸求有餘師和  
氣冲融自斟酌榮枯不逐花開落物理天時信有終雲  
雖出岫終歸壑未須高卧百尺樓未須緊束春秋閣夫  
子適去還適來無波古井生青苔我獨不歸何為哉渴  
心已覺飛黃埃長鯨未騎且捫蝨不妨隨意芬浮杯

田家秋日詞

晚未未割雲樣黃蒼麥花開雪能白田家秋日勝春時  
原隍高低分景色寒粟挂籬實累累角田已收枯豆莢  
芋魁切玉和作糜香過隣墻滑流匙牧童牧童罷吹笛  
領牛下山急歸喫菜本未移麥未種爾與耕牛閑未得

晚田黃雀詞

黃雀不知來處所或云海化或蟄土秋至晚田拾禾黍  
投身不知入囹圄十中八九不計數黃雀之死孰憐汝  
汝不如搏穀并布穀又不能快活催麥熟農夫辛苦耕  
無功食其祿無功尚可那無厭腹飽果然猶不足嗚呼  
一年三百六日常時安在今時出安得山間野穀生  
石田與汝飽死終天年黃色雀還可憐

次韻陳伯壽食黃雀有感

嗟哉黃雀力命微譬彼食言安能肥乃欲身與天壤期  
沕穆造化闕緘機以時啓蟄安居早蟄久啟晚見者稀  
不耕而食乘三時晚禾欲熟堆農扉就田恣啄充久饑



來時千百漫天飛惟欲蔽翳朝陽晞似雨霏微疑復非  
此時得計壓稻枝腹飽果然不思歸

案下  
一首次韻  
轉庵此  
下尚有  
肌

此一韻  
此脫去豈知時與命相違投身入網分所宜雞肋猶怯

尊拳揮汝輩么麼將安之螟螣害稼古實譏嗟哉黃雀  
全無知大似燭火凌朝暉炙之醢之爭稱竒誰念物命  
聊依依黃雀何責復何悲夷齊餓采西山薇不爾吸風  
何活為顏子簞食其庶幾祇令瓢飲將誰欺霜露舒慘  
相思感螳蟬小大遂黠癡人為物靈賢則希比物醜類  
姑釋疑螽斯豈得比后妃釣之三成君父師法當授命  
寧避危有益於國身何虧我欲與雀排重圍

次韻酬轉庵

南浦太邱潛少微非隱非吏嘉遁肥轉庵相與菊花期  
黃雀乃得詩發機詩則高矣物甚卑物惟所遇知音稀  
黃雀幸甚逢斯時菊因東籬桃左扉唵成雖佳不療饑  
黃雀頭顱萬里飛兩語如露蒙晨晞後人徃徃悟昨非  
轉庵識破花拈枝勘遍諸方漳南歸愛詩愛字淪膚肌

知我愈覺成相違同病亦謂投閑宜老婆心切一手揮  
長篇險韻鑄出之涉齋自訟識評去聲譏不待見聞方覺  
知覆盆一旦遭赫暉平生此段誠大奇願言稽首長歸  
依為能忍辱偏慈悲東山久別思薔薇生處放熟非過  
為豈須團團才見幾寧受校人當面欺詩壇受降曾怖  
威牀頭置易甘成癡雖匪顏徒竊願希今見菊花更不  
疑牽聯黃雀為匹妃作配字南浦拍梁一字師轉庵撥動  
関拔危琴鼓不鼓無成虧前言戲解小郎園

德久送沙嘸信筆為謝

海物惟錯群分命並海饒涎為物病采拾烹煮如擷蔬  
豈念含靈鈞佛性就中水母為最蠢以蝦作眼資汲引  
蝦入罔罟自不知水母浮悠亦良窘其間墨魚攻吐墨  
以墨自蔽潮水黑潮來舟人如拾塊販者填街賣烏賊  
沙嘸嘸沙巧藏身伸縮自如故納新穴居浮沫兒童識  
採取系系如有神鈞之並海無所聞吾鄉專美獨擅群  
外脆中膏美無度調之滑甘至芳辛年來都下為鱸園

獨此相忘最云久轉庵何自得此奇惠我百輩急呼酒  
人生有欲被舌瞞齒亦有好難具論忻茲脆美一餉許  
懣悔未已滋念根擬問轉庵所從得訪尋不惜百金直  
豈非近悟聖花詩望茲尤物令人識綠衣在旁忽鞮然  
蛭蝨取笑却可憐

再用韻謝德久見和

人為物靈鈞受命物本于人無詬病聖遠庖厨存此心  
詩詠蟲魚明物性沙嘸入詠誠蠢蠢因之演雅聊援引  
此輩已分泥塗辱吾儕忍加湯火窘烏郎自烏墨魚墨  
如蠱處髮不知黑鎖管寄車墨者流書契豈皆能作賊  
牡蠣分房巧芘身雉蛤移種陳接新蟪君孕玉自撐柱  
蠃氏采月為精神西施有舌話前聞老婆之牙豈同群  
螯屬黃中高具美螺族青出味作辛蚬蛭蚶蛤殼為園  
相濡以沫期耐久自為鋤釜使受烹寧落提攜死於酒  
子產校人從肆瞞流水長者功難論寄聲海上釣螯客  
螯動恐傷大地根滿船月明何所得意不在魚鈎自直

金定四庫全書  
卷四  
潮來忽見駕山來箇解吞舟人不識有客聞之為駭然  
人魚更擅將誰憐

次韻監簿弟惠烏髭藥有詩

漆城容可為蔭室髮白何由黑於漆但聞拔白成斑句  
安得反老還童術嗟予同氣仍同心憐我年侵雪更侵  
爾年少我尚餘紀我髮縱禿當投簪預如赤壺已無二  
君有良方誠已試正使緇鬢猶能華未免種鬚逢見戲  
我髮非病心合醫心白髮白無已時欲將心來煩汝黑  
且圖百問百不知

再次韻疇答

弟官壁廡隣藏室膚如凝脂眼如漆人言自是仙中人  
何乃反求還白術少年若學知苦心心為髮根宜早侵  
黑間見白猶堪鑷白既還短難勝簪我老閉門師不二  
病足孿拳百藥試草玄尚白從容嘲攄尾奮鱗任賓戲  
我聞醫國為上醫子方誠良盍濟時百二之名教函固  
誰與問津君當知

楊似勳許惠丹砂

雙矚炯炯朱成碧兩鬢星星玄尚白丹砂入地長黃牙  
蒼顏幻得嬰兒色了知色相無定形造化於人亦兒劇  
蓬萊三山何渺茫內景黃庭猶準的懷璧其罪彼何辜  
資盜以糧渠自賊西州九轉得奇功媿我聞名未曾識  
小人有母垂八十步履輕便自疇昔今年一病起衰容  
分明只得丹砂力九頓首拜三歎息什襲藏之願無斁  
日引月長餘幾何神奪鬼偷疑暗擲間者從公有天相  
啓闕抽關話竒特便祈公賜公許之歸語老親感填臆  
膝行欲請還踧踏盛事不應相趣迫三沐三熏課長句  
句豈能神公自德

揚丈既惠丹砂數種再用韻敬疇

鵲鵲飛來動林碧喜聲楂楂鷓鴣白宗伯憐予反哺情  
遣贈金丹光五色先生上醫已醫國敵國長城賢李劇  
胷次經綸有準繩壺中消息有端的地行在在即神仙  
世上營營自蠱賊一編黃石豈容窺九籥丹經應默識

未許騎鯨游汗漫已約據龜論夙昔嗟予聞道了無功  
粗識事親惟竭力苦乏大藥從人覓數溷寧能無厭歎  
先生樂施微少靳變化丹砂猶未擲得隴望蜀安敢料  
和章更枉珪璋特名臣奏議得精本併與寒窗資省臆  
有親可娛書可讀歸養可期非怵迫媿無好語疇少分  
昨夜春官長陰德

以端研送鄭景元同年

責公寶研如寶璧書生<sub>磨</sub>磨墨但<sub>磨</sub>磨石有<sub>文</sub>文無研正不妨  
有研無文亦堪惜漸老祇愁才力盡片歛拳端寧不靳  
吾家面樣什襲珍色如馬肝膚理潤昔言眼為石之病  
此論不公吾有證星辰在天珠在淵此石晴光鸚鵡瑩  
文字之祥吾敢顯鄭侯一見心拳拳百年石交吾與汝  
更有甚者吾當捐兒曹旁觀俱唧唧兒曹莫癡翁豈失  
鄭侯自有無價珍持獻於人吾惴慄願侯珍研如所有  
少時光芒須逼斗會看落筆中書堂却試玉堂揮翰手  
又次韻轉庵用食黃雀韻贊歎鄧長孺曩得子

端研鄧為轉庵甥方在疚

論硯考當石精微觀人豈計體瘠肥歛溪入浙無淹期  
刷絲羅紋如出機比並端坑終品早就中古端見尤稀  
難得已歎承平時長繩束腰下巖扉宿糧腰畔不抹飢  
鑿深泉眼迸若飛浸淫竟日無光晞輕生重石不悟非  
石工傳業猶孫枝我售古璞千金歸璞雖云石玉為肌  
信手得墨無拒違事忙行草取次宜才衰筆老無發揮  
頃見鄧友輟贈之質粹材美不可譏契家有子吾所知  
文章光焰期騰暉不妨怪怪仍奇奇酷似牢之惟舅依  
嗟嗟尚怵霜露悲循陔自苦躬采薇讀禮以外將胡為  
力學報親其殆幾案食黃雀韻此下尚有欺字威字二韻今脫去學非有厭書  
非癡有志於上皆可希彤庭對策決大疑制草說命周  
南妃玉堂從容有餘師古來孽子操心危勉旃無令一  
簣虧萬釘要看黃金園

馴熊嘆

獸名曰熊本逸才嗇夫教之馴若孩開檻當街作險戲

尋撞旋筵能千回負戴躄踈時貼睽忽然逸出渠亦敢  
嗇夫當之作人立嗟爾勇氣終坎壈問云初教本無法  
祇是豚蹄趨飢乏說似連營飽食人努力邊頭厲戈甲

射鷹行

聖作桑弧男子志矢人傷人豈吾事五陵年少狹斜遊  
柘彈金丸矜堊鼻一朝折節臂良弓腰身不動馬如風  
背彎團月無留意秃鷓老鷹應弦墜書生忍饑猶努力  
夜夜孤燈腕寒石等閒拓手石五餘真是無心事書策  
詩書豈不關時須寄語悠悠年少兒一鷹一兔尋常事  
正要尺箠鞭羌夷

憫牛行

牢牛得肉那忍喫匪論陽報談陰德憶牛初生成犢時  
隨母耕田眼先識繭粟漸長初勝犂脫軛項間染能赤  
一行錯誤隨後鞭習得犁行如界直耕來耕去禾稻成  
得開放食行田塍稻秫掠嘴不敢食自齧枯草甘如飴  
馬終蒙帷犬蒙蓋牛豈無功遭橫害



昇石行

沙河塘路飛晴泥夾道睨立如鳧鷖千夫昇石自何所  
相以拆節當鼓輦一夫流喝相和荅聲與步應如采齊  
觀者跼蹐汗通下彼獨閒暇輕如攜此石非是裝玉砌  
此石非是築金堤不為文陛儀禁衛定作礧礎承榱題  
儼然一柱方峙立何者偃植為拱斫嗚呼自昔良工心  
獨苦大材小用俱難取

素絲行

冰盆綠絲千尺長雪花玉色無晶光機聲札札逐羲御  
百襄一一輸文章素姿已是隨時貶妖茜嬌藍還點染  
東鄰巧婦鬪癡妍對刺文禽相掩冉衣裳顛倒那得知  
但見新行勝舊時倡優却得被后飾漢庭只集書囊帷  
君不見古來志士多慘戚古貌古心少顏色

觀奕篇

秉燭隨者明奕棋觀者精觀者未必高於奕只是不與  
黑白同死生天上神仙何所爭亦復於此未忘情樵夫

柯爛忽猛省却與棋仙作機警千古未盡一局閑巖草  
巖花自淒冷嗚呼聖主不棄芻蕘言奕棋復出亦必資  
傍觀

古栢行

太華山頭有古栢宿柯成銅根化石自從出地受雪霜  
直到於今幾千尺向來移種向中州挽之不動艱萬牛  
根連玄圃滲七澤鳳凰將雛鳴上頭春草寒花幾哀歎  
枯蔓朽株風屢拔歸然此栢安如山匝地清陰覆椒櫨  
不辭孤立成大厦匠石躊躇少須暇

賣花行

緗桃緋杏琴心疊睡起海棠收醉頰麝煤輸徹錦薰籠  
金脂染就來禽帖姚家魏家苦留春花信未先紅一捻  
賣花老翁正自癡預喜荷錢出小池却恨身非殷七七  
一日之中成四時不念書生抱孤節昨夜東風長華髮

欽定四庫全書

涉齋集卷五

宋 許綸 撰

七言古詩

次轉庵寄用坡公賦梅韻

一夜酸風驚拉槁雪壓茅簷欲倒孰知寒谷自能春  
鬪圻瓊林故相惱兩年舊隱住容成耐冷衝寒起常早  
透窓踈影眠未佳擁被孤吟詩易好別來問訊迥相忘  
養就苔文從不埽詩人云遠歲云暮自挿一枝憐鬢老

孤山在望不可到惆悵餘香委芳草誰邀配食水仙人  
長笛橫吹倚蒼昊

次韻胡伯暉喜王簿移梅

水南梅花光似雪撲地香風噴鼻裂詩人不來歲華晚  
寂寞巖扃那忍折一朝移向凌風前雕欄碧甃生寒煙  
聘以新詩壽芳酒洗空遺恨春濺濺住山多詩識幽潔  
行到臺邊忽淒咽故園萼綠正相思冷却東臯半犁鐵

仇香種梅已開而出鄉未歸再次伯暉韻

憶醉江南枝上雪愛詞人把羅巾裂篇成皓齒發瓊姿  
酒盡貂裘堪當折如今消得督郵前期會紛來鬧似煙  
故人一枝久寂寂新愁萬斛誰洗濺仇香有意移芳潔  
索笑不來空哽咽幸自花開君不歸一夜孤根冷如鐵

欲雪懷度雲新種梅三次伯暉韻

朔風動地天欲雪澗底孤松定皴裂憶梅已覺腸九回  
賦詩敢愛肱三折簾疎香細度雲前想見娟娟媚晚煙  
主人吟哦伴幽獨醉墨不惜花袍濺人與寒枝共修潔

未遣調羹笛休咽馭馬江頭得句回踏碎蟾光敲鐙鐵

次韻誠齋醉卧海棠圖之什繪放翁醉帽墮地

海棠寧莫種種須千萬株濯錦江頭錦漫谷斧斤不赦

如薪枯乍逢樵人莫逢楊氏女遺恨年年泣朝露楊氏

自媚昭陽宮海棠自映扶桑樹山城幽獨逢坡翁一洗

千載塵埃蒙張園錦障人所惜醉裏看花盡英特酒滿

衣襟花滿裳只許茶鐺近筆牀顧影鬢髻醒還卧烏巾

正堪漉白墮只恐明朝雨霏霏花雨征帆各自飛休論

長篇與短韻且與春風寫音問此人此句皆可圖底須

紫鳳并天吳

次韻誠齋飲張園放翁酌酒海棠花下

九霞觴翻濕雲幄羣仙戟指嫌輕薄海棠枝上管春晴

醉魂未醒來層城風姨妬吹銀燭滅明月飛來更奇絕

急須巢飲添燭光今日綺霞明日雪濯錦江頭識放翁

翁今對花羣玉叢試澆以酒添花暈是酒是花君試問

次轉庵榴花韻

良辰競渡常偃指愛花頌花奚謗毀年年五月見紅榴  
重着賜衣憐杜甫佳節有名名不去閔甫逢辰何自苦  
薄俗傳訛成力競作戲輕生為酒使惆悵劉郎擊節詞  
招屈亭前但流水明當鍊鏡非常窺我輩持觴寧越矩  
只為榴花飲亦佳况是轉庵唵入髓浮花浪葉竟何為  
穠艷芳心誠可喜不應寂寞負澄鮮同社聯翩須記取  
相期竟到無何鄉徒倚更約憑虛子

再次轉庵韻

安石移根煩使指花感紅綃誰擘毀封姨妬作阿醋呼  
同調何殊申及甫肯憐顛倒落絳英祇覺韓公用心苦  
流傳午節遂成例萱草戎葵併驅使真能染却白雲殷  
靈囿鮮繁金谷水詩人愛節因愛花射團點綴追前矩  
炎官鍊丹成絳雪懶膽分杯凝赤髓誰言不似舞裙紅  
色相異觀特私喜點化精神欲然句晉宋風流坡獨取  
鄙哉摘實兒女見却要餅罌結多子

再次轉庵催結局韻

賦花必花指喻指花若堪諛亦堪毀轉庵賦梅工賦影  
祇竟呂刑元是甫節逢五日賦榴花擬別甘酸亦良苦  
猶之論畫先論形形似丹青誰不使豈知雪裏有芭蕉  
滿壁滄溟本非水方臯相馬羣自空梓匠揮斤風即矩  
續絃何處覓鸞膠起死底須來鳳髓榴花可翫不可食  
昌歎無甜人自喜肯將粉淚匹紅巾眼高一世坡仙取  
花事方殷催結局還許殿後吟些子

同轉庵諸人筠齋賞荷花次轉庵韻

一笑筠齋同集客眼見荷花笑中圻未說賞花先賞葉  
破曉清香晨竟夕了知出水非雕飾乍覺臨流似塗澤  
多情落日助酣紅爭媚清漪動寒碧其間得意誰最多  
幾箇文禽不容隻錦鱗似梭躍流黃雨蓋如鎔傾大白  
同社持觴聊破戒行令傳花非俚畫昆明撐舟真錦渡  
太華如船儼僊籍明朝定爾有新篇今日衰然有詩伯  
詩來忽起西湖思我輩已覺蓬萊隔憶曾畫船作夜游  
親聽菱歌和露摘南高北高祇在眼長橋短橋頻泛宅

掛冠神武吾盍歸奏篇未央君盍適便應獻策取貂蟬  
焉用孤吟和蝶蠅功成五湖有成例全賜西湖底分擘  
回視筠齋乃坳堂豈須更許漁爭席紅蓮綠水姑相娛  
明月夜光成浪獲當暑清風誦三過真是雙清泯心迹

再次韻

急雨撒珠泣淵客疾風捲荷波濤圻須臾雨過即風休  
但有水香浮月夕水到飛霞幾斷港安得紅雲藏數澤  
兒曹問津本何有芟葑蒙茸填淤碧劃開天宇鏡面平  
蕩漾漁舟自隻隻老慙數溷煩擊鮮筠外栽蓮共醉白  
客來意坐夜沉沉境以客重聲籍籍清纓濁足隨去取  
水寬地窄易區畫轉庵夙昔董詩盟同社歌呼劇歡伯  
婆婆得句俄朗吟款乃答聲非夏陽乃知神語天亦相  
仍使菱歌夜猶摘著身勝處即冰壺混俗靜中無火宅  
我雖愛啗無好句其奈處閑聊自適未能汗漫据龜蛤  
何補官私響蛙蝈天籟自鳴忽聞蟬象作俱暗推巨擘  
恍思南塘香百里擬汎具區帆一席更啗賞實起饒涎



細刺蓮蓬珠貝獲不如藏六守筠齋水落霜枯且投迹  
次韻才叔賦菊屏

賓主鎗坐成三丁以菊分題君得屏兩屏夾立君中坐  
君其吉兆當屏星化工開花等兒戲園子結花象物形  
宗英乘船正蕩漾而我對塔方岑亭人幸似花同臭味  
花亦與人共芳馨菊潭之水明且清楚晚之英駐而齡  
細思杜老看誰健爭似劉伶終不醒男兒聞健且飲酒  
良辰莫作癡凍蠅

五言律詩

紹熙改元早起

元日好天氣侵晨供佛燈生逢大庭氏閑作小乘僧報  
主須身健勤家且夙興一貧容易飽四海願豐登

元日

新受開禧歲難逢慶會辰感恩淪骨髓無力報消塵抱  
甕供春事加餐作幸民屠蘇須滿引且願病離身

元日簡轉庵

遙想潘夫子元正免五墀已傾新歲酒未和隔年詩老  
色長欺鬢春風不肯絲人言金可作寧惜草堂資

次宣甫用轉庵韻賦惜春懷轉庵

氣合桑輿友才推屈宋衙留春無上策作意惜殘花  
倚終慙玉蓬生正倚麻陶溪人遠室漳浦客思家

次韻轉庵書懷

應節何妨俗傷春已是翁百年諧社酒萬里憶鄆筒  
話舊肱堪折追歡袖畧通潘郎久不見妙語想頻鴻

秋思

秋色已彊半秋光絕較清卷簾為月地入戶得潮聲  
螢度催兒課蛩吟覺婦驚起看湖漢畔星象濕晶瑩

次韻常之秋日郊居十首

秋日郊居好風光屬散人雍容觀物化瀟灑任天真  
菊好笑投老楊疎柳效顰飛翻看兩蝶喜得自由身  
田里逢年歲江山淨物華栖糧供野雀輸賦答官蛙  
敲觥眠穰圃龍鍾卧酒家不須聽擊壤平世此何加

年光本尅期秋閏似移時斷鴈餘新綆殘蟬泥舊枝黃  
華隨露展烏帽受風歌預有登高興秋風入夢思

窮巷家何隘秋郊景自舒草塗飛蚱蜢蓼岸點春鋤  
菜通潮信魚蒲傍海居飯廉稱柳市別業計非踈

寄種儕孫稻株株欲競齊年豐催釀螳夜半想聞雞  
野老同杯酌忘形絕町畦雖無花泛水終恐世人迷

涉世味何踈師心道與俱古風詩入律遠景句成圖  
一語中標的千篇徒囁嚅秋光照軒豁我輩未囚拘

學圃難優入詩堂僅許升百年從皓首一醖愛秋燈  
次第掛冠老晨昏有髮僧未能逃兀兀祇欲任騰騰

龍翔江上水萬折只朝宗依倚惟危檻扶持有短筇  
秋山成自獻落日為誰容臨眺餘嘉菊重陽酒自供

詩分綠稼穡別墅故人多又過中秋閏無如明月何  
遠離增寂寞衰疾廢吟哦十首撩人甚重翻古井波

覓句無新語懷人有故情歸音蘇酒渴詩法釀秋清  
近種芙蓉發低鋪錦繡成雖賒新甕熟臘醞待同傾

次韻吳季行秋懷

彈冠驚野馬束帶響吳鉤  
意遠秋多思詩清語過愁  
君當儀省戶我合老林丘  
何日茗溪上相從不繫舟

冬日邀友同賞

今溫風有信林靜葉無譁  
別種桃舒萼先期梅著花  
成蹊餘屐齒索笑見簷牙  
未飲朝來酒何妨飯後茶

念九日早聞雷

去歲一冬暖開春逾月晴  
伸眉來雨意變色起雷聲  
搖動園林喜驩呼鳥雀鳴  
閑中多感激詩句亦生成

歲除日見白髮

四十明朝是俄驚白髮新  
舊詩曾探借今語遂為真  
不恨身將老惟憐學轉貧  
婆婆花縣底誰復念安仁

除夜齋宿

老境慙年長齋居惜歲徂  
難分阿戎炬只擁玉川爐  
夜雨知時落朝陽謫見無  
君王素修德安意飲屠蘇

新晴二首

金定四庫全書 卷五  
入院餘旬浹今朝始快晴纔聞烏鵲語已有蜜蜂聲到  
眼花枝暖粘鬚柳絮輕重門無箇事詩意正關情  
宿雨居然閣頑雲掃似開嵐光湖上出霽色柳邊來鈴  
鶻搏風轉笋鳶掣綫回脩廊閑勃窣花影上蒼苔

禱雨有喜

已用計然策猶煩傳說霖綿延三日往慰籍九重深柱  
礎收餘潤摩圍散薄陰何庸尸祝力聖主自誠心

次韻轉庵喜雨二首

通夕聞鳴雷凌晨起炷熏映山高見雨隔塢遠留雲廬  
橘明金彈安榴染絳裙樓居堪護足終羨蝶飛紛  
榴綻千重束葵開一丈紅為憐花寂寞却念雨溟濛此  
去須時若相將喜屢豐閑中有忙事祇得撓隣翁

再次韻轉庵

經梅多過溽轉蕙擬吹薰山脚昏酣日簷牙曉墮雲病  
吹添御袂筆懶習書帋那得驚人句聊將絕世紛  
萬木稠新綠孤花委晚紅山容隨隱見雲影度空濛農

老無嫌問人言不害豐破愁還作喜結句答鄰翁

德久雨遷魚莊賦詩縱史

漫雪蝸爭席翻泥蚓近床不堪聽鶴埜應喜得魚莊帶  
雨移行李攜孥問野航西湖第一義佳句已難忘

再用韻答轉庵

嵐光趨澤芴波影漾湖床借竹欣移宅看花擬宴莊鐘  
聲來佛屋鏡面濟慈航莫便踈城市詩盟未可忘

再和二首

晴日烘船屋薰風傍筆床未穿三益徑已想百花莊野  
大明僧寺樵歌度客航山頭明月上酒興故難忘  
城市從踈出何人獨拜床不辭乘下澤久已厭康莊借  
屋欣憑閣臨湖似樣航風波無用避端與世相忘

鄉會游湖懷南床復次韻

名園鄉黨敬莫可致南床盛事聯千佛諸公競一莊建  
侯期朔漠駐蹕尚餘航報國平生志他年幸勿忘

再戲和轉庵

金定四庫全書 卷五  
孰裏經旬飯誰同夜雨床何妨散花女聊伴食魚莊擬  
喚桃根渡還思范蠡航江湖真落手身世可兼忘

寓居

野水生洲面閑雲傍屋顛鐘鳴人已定月滿句初圓花  
徑經過少苔文長養便行藏隨處是安用買山錢

得東山居主人戀家不出因借戴希周漁鄉居

賦雜興六首

借得漁鄉住分明似水仙好山排座右明月到尊前掛

綵迎朝日飛霞帶晚煙往來真自在易覓釣魚船

借得漁鄉住蟾光忽滿輪金波隨短棹銀漢有通津幾

度中秋月今宵自在身一尊消得醉眼底欠詩人

借得漁鄉住心安即是家客來時舉酒飯後定分茶野

老從爭席山童解獻花扁舟隨意坐不羨斗邊槎

借得漁鄉住閑居氣味長新霜濃淡白早橘淺深黃動

業錦囊句光陰寶篆香故人如訪問宛在水中央

借得漁鄉住詩家物色宜葦聲魚撥刺竹影月參差風

鐸時成曲山童解答詩閑居多樂事惟有此心知  
借得漁鄉住清霜已著秋丹楓如錦障黃菊似錢流物  
理觀諸妄吾生等一漚得閑聞健好隨寓且夷猶

次韻石謙伯山居

地僻人為勝居閑樂自知書聲山響亮琴韻水逶遲為  
藥藤修架因花槿結籬藍田冷松竹那得久怡怡

欽定四庫全書

涉齋集卷六

宋 許綸 撰

五言律詩

次韻潘德久借居西湖張氏園詩

竹居元為竹聞借筵湖陰齊物千言就巢枝一徑深嵐  
光開句眼虛籟試禪心麈得西湖詠何須更姓林

木瓜園 并序

木瓜園創寄樂亭之外有浮香亭度錦橋吹雲嶺合



肥求紀其事作五字律刻之柱

近郭梅根古臨流野興長結亭從寄樂隔塢得浮香度  
錦趨蓮渚吹雲映柳莊棠陰無可紀題作小河陽

次韻本蘊之題挹爽書院

歲月多歧路生涯幾短亭歸來故人眼相對舊時青詩  
帶煙霞寄園知杖屨經預愁逃社去湖外渺滄溟

題江心寺

屹立中川嶼江行結斗城千灘界巖下兩塔湧波擎布  
地有沙漲中天惟月明清宵撓禪定端是棹歌聲

舟行過沛城

人日晴還暖遊絲舞復翻湖平開鏡面岸靜見蘆根舟  
昔幾番過地今何處村沛城多美酒弭擢一開樽

糴舟泊高沙為境內所逐却泊天長

官薄謀先拙才疎食更浮抱關從委吏貸粟向河侯過  
糴還逾境迎風更泝流百年俱逆旅處順一虛舟

江行次外舅吾字韻

艣滑誰催汝山迎似喚吾意行從改岸暝坐得還珠黃  
卷真如妳騷經未可奴霏微隔江雨昨夜濕菰蒲

阻風泊塘陰寨登四望山用前韻

行藏端在我富貴本非吾不是迷邦寶休云被褐珠官  
方鄰廝役賢有隱傭奴所至何妨樂車輪未朽蒲

舟行得順風再次韻

抱關真漫仕所好合從吾易乞高霞珮難投明月珠飄  
蓬諳歲月泛宅挈僮奴萬事乘流耳殷勤十幅蒲

入淮

淮水限南北舟行洛水濱底須分爾界何處不吾民好  
在関河舊期來日月新片雲無可翳豈待淨妖塵

端午日過左蠡

未識康廬面惟聞左蠡名一朝窺壯觀五節記經行細  
把離騷讀時將濁酒傾波濤元不惡風力更生成

諸暨道中早行

飛雪夜無聲牕虛倍得明司晨雞有誤破夢蝶先驚何

處炊煙濕誰行馬跡輕籃輿吾未穩愧爾僕夫征

雪霽早行

蓐食挑鐙暈籃輿破曉氛雪開千嶂日冰合一溪雲久  
客年華度求官道力分還鄉定春及物意覺欣欣

括蒼道中次陳頤劉韻

山色隨詩瘦波光際野空行裝秋思裏情話雨聲中無  
補身如贅多愁鬢似蓬惟餘滄海興酒後憶耶筒

疇居甫登後山

人老東山隱春歸北斗城精廬青嶂合華蓋碧雲擎落  
日不愁晚半蟾方接明端能數過訪無惜夜車聲

送錢大受帥廣東

妙筭無遺策私憂有劇談豐功期漠北小試見湖南煖  
席君何暇妨賢我甚慙詔將須尺一象可應魁三  
淮甸為寮日私錢奉令時同拚悞弱罷爭忍碎煩為報  
國存忠赤逢人惜鬢絲相從又相別勲業迫男兒

送才叔宰烏程

鎗坐螢窓夜肩隨鷓薦年科名雖獨後官業更無前劇  
縣三千水修門尺五天秋風滿孤嶼難駐慶州船

送劉茂實赴連江丞二首

三山七閩右千竹二松間官地今為樂官名丞更閑案此

一聯不對官地今為樂句疑有誤離支明夏谷格磔響秋山收拾吟哦

課湘中寄一斑

奕以旁觀審書難掣肘緼一同兼利害貳邑易聲稱但  
使知賢合端為不負丞茲行子餘事著語我何能

送潘才叔赴合肥錄事二首

鎗火寒牕夜聲名弱冠年掇科君恨晚用世我奚先餉  
道曾爭辟公車合薦賢園扉聊鞠草幕府且依蓮  
官業盤根見生涯破甌輕才堪當一函句可敵長城親  
待平反笑時須慷慨清十連籌正遠三語意猶傾

送張說道縣尉之官襄陽

一尉襄陽去三年別舊游煩君登峴首拭淚望神州勲  
業男兒事依違我輩羞為言賢府帥問訊橘鄉侯

送薛子明赴歙縣尉二首

家世聯三鳳才名擅一夔詩章謝池草經術董生帷  
 鴈塔題名近龍門點額遲一官聊一尉民事是良醫  
 新安今太守癸未昔同年老手親師範良規得吏筌  
 徑須如渭尉切勿效梅仙間暇何妨學科名是世傳

送陳伯壽之子仲至迎侍赴嘉興秋官

攜李官為李春風餞此行義方非祿養祖武是家聲  
 畫諾須三語哀矜在一成黃堂應坐歎執別寸心傾

潘茂和才叔遠訪雨後餞別

連壁遠相訪斷金情有加不因魚撫缺自是客思家  
 好雨知人意深杯艷燭花今宵真語別孤嶼在天涯  
 許種飛霞竹仍求甌浦梅思鄉常夢寐報國乏涓埃  
 玉葉裁雲膾榴花染雪醅朝三吾已定謫百便歸來

送術士吳國材詩序

國材本名家子以術行于都下縣從之案縣從之句難解疑有脫  
 誤國博同年有詩送其行亦次韻

自昔名家子于今賣卜翁親逢黃石老曾驗黑頭公無  
術自鑿命有奇祇隨空吹噓吾豈敢憐子又西東

次韻洪莘之太社真率之集三首

疇昔三洪並聲名四海知靈光一老在鸞鷲九成儀近  
有同朝喜今無遠室思双瞻最良譽合瑞聖時明  
鼎來那有說錯坐太無譁擊缶聊三奏吹壘信一家勸  
時幾禮醪真率勝籩加老媿詩無律新篇極歎嗟  
詩翁甘獨殿我輩豈其班爝火自不息斤風祇似閭秋  
容蟾桂裏歸夢鴈笑間物理因詩悟新來豹一斑

和人見寄

一別三年久無書堪往還自憐供吏役長羨似僧閒契  
闊詩情在提撕鬢影斑敲門湖上寺居士已開山

和才叔次韻

閑中宜可樂病外復何愁塊坐疑三刖明來散百憂琴  
彈欣改調餅馨喜歸謀豈復行藏計終朝只倚樓  
詩社久踈索唵戔殊澀慳遙憐疑落落近喜復斑斑柳

密鶯酬答花深蝶往還春光頓如許人事苦相閑

次韻甄念八大監簿詩

憶昔忘年舊惟公不我遺分攜頻問訊握手屢哦詩塵  
世千年夢仙家一局棋得閑聞健好振古只如茲

次韻廣文鎖試出院寄似

校文花事過無句到蒼苔芍藥翻新砌醪醑浸古罌竹  
枝歌喚起春草夢驚回亦許山中老相容和謁來

同年會拜三茅不及與呈袁侍郎同年

地秘三茅勝班高玉筍明昔年同日喜共拜一陽生造  
化何勞補彌文竟自成梅花開句眼爭得不關情

寄潘德久

新雨不可待故人猶作踈有方能煮字無策與脂車灑  
地親霜簟敲冰想玉壺端能乘月過重賦碧芙蓉

懷鄭仁叔

近有河魚疾曾煩舊雨來又成三日別未覺百懷開氣  
合嗟同病情親憶把杯西湖荷蓋底誰遣畫船回

斗大樓居窄林深客思長  
雨涼欣破甑風急凜垂堂  
倚祿生涯拙憂時鬢髮蒼  
向來遮日手祇合釣滄浪

病足少蘇次常之韻三首

孿拳尊足苦伸縮楚囚聲  
藥甲新條在鑿科舊貫盈  
百年雙脚健萬事一漚輕  
獨恨忘形友終然少合并

休從詹尹卜數亦不難通  
寄祿逾三品論才祇下中  
器歌終必覆藥裏漫成叢  
痼疾元來有惟知酒有功

藍田紆古句令我好懷開  
未敢為瓊報何從引玉來  
蒲萄江漲醪桑落甕留醅  
柳市人歸未隨潮蚤晚催

三次澄鱗韻喜聞捷音

昨夜燈花喜今朝吉語新  
犁庭真破竹入境若無人  
何力裨洪造擎拳藝寶薰  
從今願諸將獻捷日頻頻

四次聞捷韻

身閑偏蚤起邊報逐朝新  
諸將追殘敵中原復漢人  
莫教遺種孽安得雜穡薰  
祇媿渾無補空歌捷詠頻

聞捷五次轉庵韻



周歷綿綿遠湯盤日日新恭聞哀痛詔憤激老癯人報  
答帶仍礪英雄沐更薰衰年扶杖聽折屐敢辭頻

轉庵催結局六次韻

漢儀重觀舊秦暴盡更新應是天亡敵從知國有人乾

坤大開闢華夏一陶薰收到崑崙北詩應快李頻

按聞捷詩

應有六首今遺脫第一第二祇存四首

和轉庵與洪共之說詩談禪之什

鐺坐聽清語鼎來宜笑譚詩談五字律禪說一枝花未

肯傳衣鉢先須借齒牙老婆心更切黃檗正栽茶

又再和轉庵且置詩話聊答說禪之什

見性元非說傳心豈得譚三更親受法五葉自開花雖  
遇奪衣嶺終搖度艣身要知觀自在不異鳩槃茶

又復次韻為疇答說禪偈言

密傳當正受諦聽勿高譚要結菩提果須開頓悟花祖  
師禪上陣大將擁高牙赴了齋時飯大家同喫茶

次外舅遣待人韻

金定四庫全書  
閔中蕭相國江左管夷吾人仰南山石心宜赤水珠登  
臨捐妓女書札付官奴妙得安心法繩床底用蒲

再次外舅韻戲呈舍人叔文

接棟兄過弟忘懷汝與吾纏頭新辦錦買笑近量珠怒  
釋泥中婢歡全膝下奴使無驅豆法亦合賭檣蒲

次外舅聞字即事韻

遽瑗行年化宣尼耳順聞聲名昭白日富貴薄浮雲天  
子方嘗膽中原未靜氣加餐為時起禮樂不徒云

再次韻并呈舍人叔文

過訪鄰牆近歌呼隔屋聞江收梅熟雨川暝蕊紅雲把  
燭杯仍艷交談篆接氣盤洲餘醉墨吾亦欲云云

再次聞字韻

船屋香留潤衣篝冷却聞晚山新見月別蒲宿藏雲歲  
月催人老江湖淨世氛望中愁不極收拾弗詩云

次韻德久

熟闕齊物論懶賦畔牢愁浮世夢槐國虛名種橘侯有

身但有患無累即無求不啻如今足何如取次休

次轉庵韻

節中期樂事座上欠嘉賓雨帽何妨濕雲山自帶鬢午  
晴開喜色歸月入懷新有菊皆重九無須更卜辰

再次韻

有約惟真率相忘任主賓拒霜方送喜踈柳不爭顰近  
復闕原舊頻看邸報新吾儕何幸甚投老得逢辰

三次轉庵韻仍招小飲

有選望三益杜門無雜賓只逢開口笑絕勝捧心顰一  
色黃華在雙投白醞新速宜相爾汝元不闕參辰

金魚久不浮游喜而有作

買得黃金鯽投將白玉池久晴虞涸輒轉壑漾深陂每  
施龜魚食偏懷網罟疑今晨水澄澈梭影泛琉璃

有喜真愛亭梅花開走筆呈轉庵

小園饒勝事僮僕競謹譁梅綻凌寒樹枝繁照水花病  
身俄勿藥詩思頓萌芽急報南鄰友新菊可當茶

白山茶

白茶誠異品天賦玉玲瓏不作燒燈焰深明韞積功易  
容非世力幻質本春工皓皓知難污塵飛漫自紅

和轉庵白蓮

虛籟一聲蟬通宵月正懸亭亭承露掌歷歷涉波仙夜  
色起香霧曉光收玉烟層冰不可致清賦憶前年  
諸葛忠叟初逢<sup>建</sup>家塾池中產雙蓮求子扁榜併

作五言勉諸甥

我愛濂溪說君能喜種蓮一經初建塾雙實遠呈川和  
氣壘篋應榮名棣萼聯勉旃成宅相學也是家傳

麝香萱

南薰吹麝馥背樹染鴉黃裏許香為德中央色自莊洛  
琮行夕佩仙掌洗晨粧真為忘憂賞看雲戀故鄉

煮茗

止酒身多病添書日正長睡魔推不去茗盃熟難忘鵲  
過飛樵墮蜂喧落粉香靜中觀物理此樂未渠央

金定四庫全書  
卷六  
煮茗鵝闌井哦詩蝶過垣  
筍高垂籜瘦梅落墜枝繁  
白畫重闌靜新晴遠市喧  
境緣者漸熟吾亦欲忘言

顯庵餉伊蒲索著語代簡

卻掃銷長夏來薰傍曲肱  
輓轡金井水沆瀣玉壺冰  
避暑元無法安心却粗能  
破除香積飯供給在家僧

輓故丈母萊國夫人沈氏三首

北使復南遷尚書大節全  
長公身致相冢婦世稱賢  
象服宜偕老魚軒遽溘先  
哀傷動行路謝傳况中年

林泉當絲竹丞相巧安貧  
珍重承夫意清修報主身  
指千隨嗜好體一寫姻親  
更有銜恩者妻孥寄食頻  
愛女終身託嬰兒半路遺  
訃音非不達憂思恐難支  
已及黃泉見應憐白首期  
愛恩均罔極淚盡輓歌詞

欽定四庫全書

涉齋集卷七

宋 許綸 撰

七言律詩

元日登天長縣城

元日登臨一腐儒感今懷昔媿微軀此城曾是千秋縣  
有水呼為萬歲湖南渡向來紆翠駕北征何日會京都  
祖功宗德無邊際可懷長淮限一隅

次常之元日復用韻

椒花祝處羽觴飛第一春光勿願違  
已是淡勻彈指過可堪維暮轉頭非  
詩籤絡繹須盈袖酒醖淋漓聽滿衣  
老去寸陰尤愛惜久拚帶減沈郎圍

人日用常之韻寄才叔居甫

斷腸梅作雪紛飛似與金花巧勝違  
此日共憐人日是今春誰道我春非  
閑中風月為蓮社醉裏鸞花即錦衣  
題寄草堂須記取莫孤綠繞惜紅圍

人日

明當春日令人日身到故鄉勝異鄉  
巧勝耐寒元故事青絲傳菜舊風光  
只將柏葉聊隨酒莫為梅花苦斷腸  
南北兩園多種接閑居從此有閑忙

次韻宣甫約元宵入城不至

春已兼旬未脫綿積陰頓掃柳條烟  
兒童戲放搏風鶴老子惟看跼水鳶  
剪線試燈新樂事逢場作戲舊豐年  
詩翁不離陶溪隱可是公房戀屋仙

王宣甫以燈夕入城而予偶無佳思阻同遊有

詩為寒食之約次韻奉酬

落梅聲裏惜餘芳，孤負燈光與月光。  
偶以催租敗佳思，阻隨執事佐顏行。  
春風已入青絲鞵，好句終歸古錦囊。  
能踐清明重約否，須知歲月去堂堂。

元夕之明日久陰乍晴月色皎然

連陰乍霽自新元，細雨梅花自可憐。  
天意肯教人悵望，燈宵終放月團圓。  
兒童鼓舞幾通夕，我輩歡呼竟不眠。  
老少相懸均此樂，去秋無此大豐年。

次韻程判院春日

催得冬殘是野梅，依然春傍柳邊回。  
不知鬢影星星去，只道年光恰恰來。  
喜為農占秋有稔，懶于僧問劫經灰。  
歷頭且復從今數，笑口都能幾度開。

二月晦日游木瓜園

亭成寄樂小裴回，野水粼粼傍酒杯。  
未有政聲追召杜，敢將詩律繼歐梅。  
春風已辦催花絮，夜雨惟憐老菜臺。  
百二十春今恰半，不須扁榜記曾來。



次韻謝余伯益節推

鵲喜聲頻去復回  
亭成報我趣銜杯  
春風得意矜新柳  
野水留春戀落梅  
何處笙歌催院落  
一時車馬走輿臺  
橈先但得邦人樂  
待約鶯花殿後來

次韻謝劉太丞

世事羊腸有幾回  
功名隨意芥為杯  
放教春色歸繁杏  
禁得東風是落梅  
天上有人調玉燭  
邊頭何地築金臺  
朝廷仄席思耆舊  
詔逐陽和蚤晚來

寒食日宿蕪湖縣廨

今年歧路足生涯  
寒食蕪湖感物華  
少為顏公成且住  
絕憐杜老嘆無家  
光風不禁吹香草  
薄霧無端暮晚華  
已是惜春那惜別  
無多酌我怕周遮

感春呈同社

靜處聊將物理推  
鳥啼花發苦因誰  
留連春事惟紅藥  
管當行人是子規  
莫道柳綿無住相  
也為萍絮媚清漪  
如何飽食閑終日  
不課離騷不賦詩

四月晦日袁起巖同年雨中集聚景園

湖上名園屬內家湖邊有客誤乘槎風餐歷歷秦宮樹  
雨立亭亭漢節花樂事坐來添畧刻題名帖後帶煙霞  
春衫濕却它年話合有新詩記物華

次韻常之五日禁競渡

仍年此足為吾病舉世誰人似我閑思遠樓前重禁渡  
容成洞裏獨看山交游雨絕梅還溽賡倡星分彙自刪  
賴有松廬相慰藉新篇時復到榆關

閏上澣同德久子姪輩避暑退居即事

說著退居心已愜湖山何況傍繩床雖無瑟瑟松杉韻  
自覺悄悄枕簟涼茗盃親來詩有思藕花多處語猶香  
一旬一日思休沐今日思隨日更長

再賦紀實

官身不辦游山具只有茶鎗與筆床旋買鱸魚供箸美  
却携玉友待樽涼同來稚子聽情話更有幽僧炷妙香  
遙望畫舫雲錦外好風吹到笛聲長

次韻酬張巖卿七夕

星丈人事古難磨女織男耕力最多河鼓有神司帶犢  
天孫垂象驗飛梭因依鴻烈成橋語泛濫長生舊殿歌  
伉儷流傳釣是藝玉川無賴太風波

次韻王宣甫秋夜書懷

靜聽高梧落梵聲遙聞叢雀轉秋更屋隨斗極看時改  
露濕天河徹底清老去心情惟藥裏病蘓燈火愜書檠  
故人忽起關河思觸撥深愁怒癭生

次韻陳仲全秋懷

一夜炎歊破甑空蕭然秋思雨聲中江湖兩鬢驚馬飛葉  
歲月一身俱轉蓬我自由來為性癖子今無乃坐詩窮  
男兒窮達終相似却是難教鑿枘同

九日次常之柳市秋懷韻

柳市留連愛別垆歸來詩與字俱清閑居孳歛全生理  
老境行藏見物情眼把菊花隨雨過醉敲瓦缶作雷鳴  
千年張翰風流句却是生前不願名

次韻酬張巖卿七夕

星丈人事古難磨女織男耕力最多河鼓有神司帶犢  
天孫垂象驗飛梭因依鴻烈成橋語泛濫長生舊殿歌  
伉儷流傳釣是褻玉川無賴太風波

次韻王宣甫秋夜書懷

靜聽高梧落梵聲遙聞叢雀轉秋更屋隨斗極看時改  
露濕天河徹底清老去心情惟藥裏病蘓燈火愜書檠  
故人忽起關河思觸撥深愁怒癭生

次韻陳仲全秋懷

一夜炎歊破甑空蕭然秋思雨聲中江湖兩鬢驚飛葉  
歲月一身俱轉蓬我自由來為性癖子今無乃坐詩窮  
男兒窮達終相似却是難教鑿枘同

九日次常之柳市秋懷韻

柳市留連愛別垆歸來詩與字俱清閑居孳斂全生理  
老境行藏見物情眼把菊花隨雨過醉敲瓦缶作雷鳴  
千年張翰風流句却是生前不願名

次韻才叔九日家宴阻訪媚川

一秋天氣屬嗟家九日風光愛物華對婦舉杯勝俗客

逢辰得酒值黃花大難富有成糜季

按大難富有成糜季句難解考世說

陳太丘與客談今子元方季方炊飯二子竊聽炊忘着簞飯落釜中皆成糜似用此事謹識於此小異

誰知落帽嘉獨坐媚川空悵望半蟾分挂夕陽斜

次才叔和龔司令九日韻

滿院西風把菊天官身閒暇亦悠然恍思杜老浮舟日

絕勝彭城戲馬年豈待白衣開咲口不妨烏帽茱萸顛

却愁明發還多事詩在龍山落照邊

九日簡德久

登高每恨尊無酒近節今欣菊澆籬風日正佳閑氣數

心惰不分減年時愛詩雪鬢歌紗帽愜把霜螯對酒卮

意到潘郎寧易敗催租端自不妨詩

次轉庵九日韻

窓前白白黃黃菊門外踈踈短短籬擇勝任從追賞日

有年即是太平時呼鷹戲馬人千古綴席浮舟酒一卮

五百年間張翰句風流猶待謫仙詩

九日小飲用後山居士韻簡轉庵

連日欣晴卜暮霞晨曦閃閃舞群鴉時豐都市人多醉  
節近重陽菊有花萬事悠然山正好三杯可以我何加  
自憐猶有童心在愛把茱萸繫絳紗

再用後山韻

懶惰無心賦落霞醉餘吟筆大如鴉但欣有酒醺佳節  
猶勝無錢對菊花小異孟嘉今老去知非蘧瑗歎年加  
登臨無奈秋光好歸傍窻前月印紗

九日同從班諸公自南山過蘇堤登寶叔塔

柳下芙蓉錦作裳畫船波底見秋光登高自昔須吾輩  
戲馬從人上寶坊白髮未嫌紗帽黑紫萸偏稱菊花黃  
常年風日無如此爭不從容入醉鄉

次韻解頤叟九日登樓唐律二首

詩翁九日獨登樓悵望當年淺碧洲菊徑全稀虛過節  
橘鄉無術敢當侯漢庭非晚咨良策邊笥于今待遠籌

曾得合肥家信否未應胡越可同舟

規撫器業足資身合是蘭宮第一人風月難兄居半刺

文章經國肯全貧身丁近免家家喜首述長謠句句新

預卜他時康濟事定應不負白綸巾

三月二十七日王堂夜宿

以玉為堂未是誇案金林禽係花稍名別見澗泉集

傳禁漏提初點旋聽周廬遞晚衙春盡猶寒欺夢草晴

多未雨渴簷花自憐雖是文章力肯把凡鴛污白麻

玉堂宿直次高內翰九日前一日草妃子麻畢

題案上韻

歲終時和庶事康未央稱壽捧瑤觴宣將鑾殿金為炬

草就麻詞玉作堂自是關雎思淑女不同飛燕在昭陽

儒臣信得文章力捧賜看花一樣黃

宿社祭齋宮與張野夫解舍為隣信筆代簡

經時不見小予湖已覺心源少輓轡漫道齋宮鄰解字

何殊弱水隔蓬壺清談每想追前輩快覩何從換故吾

大阮端憂更堪憶平安曾得近書無

九月十一日龍華寺齋宿禮部陳同年見余崑  
字韻詩寵和惠示復用韻奉酬

鴈塔同登驚歲月龍華共事陟崔嵬詩從瑞錦窠中出  
人是黃花節後來顧我何堪毗右府如公端合上東臺  
清時勝日人兼美平步功名不用催

陳同年再次韻為謝而王才叔判院和篇繼至  
復用韻併謝

鐙坐齋宮喜敬陪高軒二妙屹崔嵬舊詩古廟香爐去  
新句風檣陣馬來但有黃花堪落帽不應白髮怕登臺  
留連月色須明發未受秋更密點催

酬才叔再用韻

三日齋餘過九日今朝方得上崔嵬日隨鴻影翩翩去  
句逐潮聲袞袞來肯為龍華留勝蹟何須戲馬羨高臺  
黃花未必相欺得正要詩翁着句催

致齋禱雨次轉庵韻



夏中春閏合炎蒸何事涼風日夜清大旱望霓如許切  
密雲不雨太無情何妨閉閣齋三日有媿聞蟬第一聲  
遙想轉庵同此際苦辭猶作渴蛙鳴

祭龍前一日致齋雨大作邑人以為數年未之  
有也作此呈養正明府

齋宿臨場早有期邑官齋出去陪祠祇應日脚埋雲屢  
便是山頭戴帽時此雨近來都未有豐年向去更無疑  
請公買取千鍾酒從此琴堂日展眉

次韻廣文賀太守祈雨感應

天上為霖正玉衡農家占雨驗書檠黃堂懇惻煩精禱  
綠野歡呼得遍畊東甬未游猶要雨蘓端好過莫教晴  
廣文飯足渾閑事吉語時聞更動情

驟雨忽至

未茨山宇趣儲材屐齒憐穿稱意苔礎石潤時雲氣動  
茶烟凝處雨聲來蚕家次第三眠柳江國淒涼五月梅  
電脚未收雷殷殷老農爭不笑顏開

五月梅  
李白句

舟中喜雨

驟雨颺風起急雷畫船繫纜小裴回隔簾大點欺牕紙  
入戶微篩供酒杯一夏屢憂無計奈半秋頻喜傍懷來  
世間好事無全美濡首牽夫可念哉

積雨簡百七丈郎中二首

鄉里從游不乏賢薛侯令我自拳拳筆端有力能扛鼎  
飲量無涯可吸川寧屈乘軺紆郡綬豈容謝事引官年  
皇天有眼難從欲覽許祠庭作散仙

社中直率數追陪合有閑緣帶得來十日頓踈新舊雨  
百年猶負淺深杯護持盧橘黃金實準擬榴花絳雪醅  
但有萑蒲皆是節不須端午始歡咍

新晴

兩旬哀病與陰霖徒有幽園日涉心曉色半窗驚睡起  
鳥聲叢樹索詩尋熙怡意象池亭滿履歷工夫杖屨深  
掉脫烏巾向人說市朝不樂似山林

次韻劉參議喜得雪

勒回羲馭感蒼蒼  
醞釀風威鑠夜缸  
才喜節寒初集霰  
已憐灑急正聞窓  
忘年有約將尋戴  
好語先施合拜龐  
不惜登臨矜共賞  
萬妃正舞玉幡幢

次韻謝傅公謀賀雪

寒入冰絲響玉琴  
燎爐宿火費添薰  
夢驚窓眼疑留月  
起看簷牙有墮雲  
三白預知開歲稔  
一杯聊敢破朝醺  
踵門佳士欣相顧  
袖出名章過所聞

喜雪

靜聽微雨落乾聲  
曉見平簷粉似勻  
去歲鴛鴦何苦熱  
今朝鷗鷺太無塵  
眼空色界聊矜富  
酒極詩豪自覺神  
踏破瓊瑤無過棹  
虛教新釀熟經旬  
擁火觀書硯不冰  
梅將雪訪有交情  
一寒依倚回春谷  
三白牽連不夜城  
玉燭試於調鼎見  
金篋安特翦幡迎  
代耕無補妨賢甚  
歸去容成小築成

立春前一日喜雪

司寒顛帝職云度肯許勾神撓  
雪權雙勝迎春猶卜夜

六花殿臘已書年  
太陽更不虧  
元日聖德由來格上天  
慙媿小臣無補報  
巴歌敢共郢爭研

卷七

欽定四庫全書

涉齋集卷八

宋 許綸 撰

七言律詩

和袁同年接伴謁洪澤鎮龍祠韻

鬼神為德著冥冥  
不在牲牷只在誠  
護客徃來今九度  
感神昭假等三成  
長安妥帖平於席  
畫舫夷猶穩作程  
應鑒微衷有孤憤  
中原却隔泗州城

觀新堡寨因登平山堂次接伴袁同年韻

換得玻璃千頃湖醉翁遺勝在江都登臨山色依然在  
拂略秋容澹欲無新堡似雲屯戎久舊臣何日策勳殊  
玉人按壘非尋勝歸報前遊有遠圖

訪舊隱

自知樗櫟任天材閑愛浮萍靜愛苔歸有幽棲鄰佛住  
時因佳客下山來青雲乳酒聊傾尾白雪形鹽旋摘梅  
有月有琴君勿去百年懷抱待君開

買山石航海有懷故園

它山移却伴疎篁磊砢堅於百鍊剛劖地尚餘蒼蘚篆  
傍欄偏暝紫荷囊濕雲矯矯飛還凝輝鳳亭亭舞復翔  
竹第石兄應共語故園那得負風光

益老過靈巖看築塘因慰藉小隱索詩

孤雲一片自由身古刹隨緣有夙因小隱未容蠶作繭  
靈巖要看海揚塵築塘衣鉢時時唱信筆詩篇句句新  
畫繡不須歸相里聞師自是鴈山人

題州宅安航

金定四庫全書 卷八  
以波名齋敢自遑竭來何事得安航極知平地風波少  
得似閑居氣味長旋了兒癡便退食聊為僧坐靜焚香  
君恩未報空華髮孤嶼扁舟憶故鄉

潘德久將出疆之前三日移居作詩奉邀

久住京華似故鄉遷居又復一番忙此非子坐爭懸榻  
何以家為便出疆屋下已聽湖水過樓頭不奈柳梢黃  
今朝元已佳天氣試撥忙來共一觴

喜聞轉庵新結暖閣因賦

老來百事一無能寒煥與隨宜護寢興小院回廊慵勃窣  
圍爐暖閣便曹騰向陽挾策明開牖隱几敢歌辱覆凭  
聞道轉庵新結束宛同臭味我良朋

次韻轉庵步城南有卜居依壑意乃古巽吉庵  
之旁

出郊緩步當乘流依壑幽尋少餞秋水過斗門知浦口  
庵當巽地見峯頭賞心便擬為鄰卜志喜姑先著句留  
祇恐據鞍方矍鑠未容此處就菟裘

適庵

庵居奚以適為名  
瘁處能爬是適情  
社後有誰留去燕  
春來何處不遷鶯  
物情雅與閑相會  
酒興酣時句自成  
要識適庵同一切  
客來不用舉深觥

淨光大室開小窗  
頗得江山之勝次  
壁老壁間

韻

車馬憧憧走皂臺  
面皮三寸積黃埃  
禪房永日窗開闔  
天際孤帆潮往回  
二月風光供遠眺  
十年羈旅愜重來

現前一宿圓成案  
懶向胡僧問劫灰

益老於鴈山築庵名曰東風小隱  
來求詩且約

相見

師住靈巖飽看山  
結茅猶欲老山間  
懸知客路紅塵軟  
輸與禪房白日閑  
蔬筍忘來詩格瘦  
楓梧落後鬢鬢斑  
煩師護取龍湫水  
待覓涓涓洗我頑

未終棋局爛腰柯  
繫日長繩竟若何  
報國有心祇皎潔  
效忠無力恐蹉跎  
秋懷擬向樽前遣  
歸夢偏於馬上多

八月錢塘江上景可能作意莫相過

被旨祈禱數至天竺珪僧錄求白雲堂詩為賦

唐律一首

白雲峯下白雲堂堂上高人一瓣香繞殿持經山四合  
繚牆行道木千章衆生未免嬰時苦大士寧能與世忘  
祈雨祈晴來復去此身却似白雲忙

邀德久兄靈芝納涼

曾許西湖三百首官身其柰苦相妨追陪歲月多遺策  
零落風烟有斷章人道拾遺無好句天教老監學清狂  
且邀海內忘形友領攬招提半日涼

高峰寺

四面峯巒玉斲成團欒真是梵王城名山勝絕茲為冠  
墨客冥搜遠作程清酌獻茶修薄供攝心歸敬誓餘生  
全家飽煖君恩重佛日光中祝聖明

表性之自號為湖山遺老曩和予北征絕句因  
與其族人赴舉復見訪坐間求書湖山隱居扁



榜因為著語

湖山本為吾儕設家世今為隱者居歲稔石田猶可飽  
詩成霜葉正堪書因觀後進塵劫敵肯訪閑人款敝廬  
醉覓扁顏吾敢靳和篇曾枉百碑礫

隱居即事有懷潮州三首

屋後如屏擁碧岑愛山疊石尚同心肩輿不解勞人力  
振策惟便助足音未擲裏巾行曉色不眠乘月坐秋陰  
幽憂莫道都無景十月移春要滿林

戴花航石自都城慙媿波神每不驚官職有何消得處  
園池亦只信緣成賞心擇勝難扁榜信口哦詩莫主名  
無奈新開城上路江山如畫總相迎

忘形海內鮑潮州遲次天教得共遊行李未還長問訊  
扶藜纔過許廣疇湖光催我頻攜酒花影何時傍結樓  
昨夜滿庭秋月色一年無此亦知不

為季和弟作溪堂扁榜賦唐律一首紀實

鷓原分派住松山溪繞山圍屋數間今少蓬成今宅相

舊將軍寫舊堂顏移來城市真堪貴纔混囂塵便等閑  
教子教孫風月夜琴書聲裏水潺潺

清卿求作混碧樓額因賦唐律

三十聲名晚合酬前銜久自是潮州尚須漢吏二千石  
聊卧元龍百尺樓混碧繆書波畫去醉紅憶為海棠留  
從今只願搏扶上還許澄鮮守舍不

款乃聲中自答酬湖山迥闊冠吾州際天野色青環坐  
照水嵐光翠擁樓蓮浦湫瀾無路到松亭依約有船留  
澄鮮近市翻堪恨混碧能容數過不

袁起巖侍郎采予無盡意詩語以一段奇為淨  
相別室扁榜有詩次韻

一段奇中無盡意西湖風月契三生只今扁榜成佳話  
它日尋詩有舊盟得失雞蟲何日了去來鳧雁逐時更  
癡兒尚欠梅花句已擬長歌出塞行

方有襄陽之請

高秀才紳十年前有同邸之舊以劔名堂求詩  
沙河燈火閣殘更客舍猶聞諷誦聲科舉累人須要了

詞章似子豈無成  
勲名合是男兒事  
通塞能忘造化情  
莫向斗牛占氣采  
夜深只願少微明

范湘潭岸花樓詩

杜若青青湘水深  
長官為政見瑤琴  
飛花幾度春來去  
行客自如人古今  
天地百年供旅寓  
江山一色費登臨  
楚峯驛伴湘中館  
更有高樓待賞心

侶鷗亭

世態浮雲轉首非  
孰於靜處見天機  
愛憎隨俗鳥能好  
爵祿無心牛自肥  
此樂尚憂兒輩覺  
斯人休祝我公歸  
公如畧起功名念  
鷗鳥驚人已浪飛

題富覽亭

萬峯如鷲萬波同  
擘浪雙螭躍勢雄  
山過江來垂斗柄  
水朝宗去渙文風  
家家洙泗絃歌裏  
處處蓬瀛圖畫中  
莫笑先生徒壁立  
一番登覽興無窮

登憶謝亭併呈質弟

爭不遊山憶謝公  
亭成孤嶼恰當中山  
低山仰今朝異

金定四庫全書 卷八  
潮落潮生自古同  
幾欲弄舟移白日  
何當把釣待秋風  
惠連幸自還鄉里  
獨恨池塘句不工

題春風亭

亭成秋日榜春風  
歲稔時和荷化工  
佳事感傷多白髮  
壯懷突兀祗孤忠  
漢興即有中天運  
吏惰元無闕地功  
只把春風宣聖化  
物華都在發生中

題外祖母夫人李氏墓陟岵亭

陟岵哀哀八十親  
渭陽念母我傷情  
等為孝子終身慕  
最慘嬰兒半路聲  
已把山光占塾教  
底須宅相寫亭名  
登亭更望芙蓉頂  
吹棘風前淚併傾

春晚登鈴岡

簿書拋罷一登臨  
恰有黃鸝送好音  
溪漲未消知雨近  
林疎頓密見春深  
詩源久廢如枯井  
宦况多磨似鍊金  
手種故園三四竹  
新梢拂拂想成陰

游金山寺

何年浮玉奠中川  
潮去潮來故屹然  
世事只隨波上過

佛身元向定中圓妙高得月天無際雄跨看雲雨帶烟  
孤嶼扁舟無活計又拏揚子渡頭船

登江山偉觀

江山如抱畫難加偉觀標名似太誇千古雲煙無盡藏  
百年登覽足生涯詩情與客來天際潮汛邀人上斗槎  
自是皇恩聊許借兒童莫便認吾家

題石乳洞

山前老石碧巔岼山後縈紆洞府寬妙處通行隨步武  
到頭平坦上團欒寶鍾池秘金為奏甘井天成玉作欄  
古怪洪陽清石乳平章留與後人看

遊仙都

我來古括經行熟欲到仙都有底難漫道蓬萊環弱水  
始知方丈近三韓千山開闔神仙迥一柱岩堯宇宙寒  
信有真人足官府不妨容我暫躡鸞

初入鴈山見雙峯

鐘鼎山林昔罕兼久污清貫大傷廉移文謝客顏情厚

彈劾歸耕喜屬餐纔下盤山為邑里已排勝境入詩籤  
年來百慮銷磨盡只有雙峯不退尖

再遊鴈蕩觀雙峯

不到雙峯一紀年夢隨清磬上高圓重來慣識羊腸路  
兀坐慵談兔角禪欲剗舊題無好語羞將華髮照清泉  
男兒問學全無用愧爾耕夫墾石田

遊南明山

路上崔嵬斷復連危亭却立虎溪邊石梁架戶疑無地  
巖竇梯雲欲近天客子詩情專物色老僧禪悅解行纏  
亦知太與塵凡隔時遣鐘聲落市廛

下四十九盤時年四十九

了知四十九年非七七盤中共一機世路險夷行處是  
身名榮耀眼前稀此生待足何時足平日思歸今得歸  
厚祿故人如問訊為言留得故山薇

春園

用世無功孰取材誅茅作計剔荒苔花隨淺綠流春去

金華四庫全書 卷八  
山擁新青入坐來寬闢軒窗便過夏高藏書畫待經梅  
菊苗先晚丁寧種更要秋花次第開

喜子儀侍郎同遊

擬訪南山自北山長隄信馬只如閒畫船瞥見矜紅粉  
紫燕驚飛透白鷗三過名園成選勝再臨高閣似知還  
茲遊不負花時節寡和陽春更許攀

題洪陽洞

劃開靈怪幾千年傳與洪陽二老仙石室盡頭真境秘  
天牕明處葆光圓乳泉煖滴燒丹井芝徑畦分種玉田  
不是到來須束火故應名勝限鷺塵

聞轉庵遊西湖奉寄

馬上春光過若馳不須紀歷校花時青於前日長街柳  
白似去年雙鬢絲強學後生須藉酒苦邀同社索題詩  
朝回要便西湖去輸與安仁尚黑髭

酬常之換韻和江心寺詩

千峯屏繞浪環鋪莫把金焦作對呼絕境誰闕全體現

小亭人號媚川圖市聲非遠塵難到塔影雖雙嶼只孤  
大似橘洲浮不去嶽根元挿赤沙湖

再次常之換韻題江心寺詩

山川如畫鎮長鋪每坐危亭謂笑呼大扁揚帆飛畧約  
巨鼈出水載浮圖錦袍仙想前堯古飯顆神遊絕境孤  
不是謝公親歷覽相忘祇竟渺江湖

媚川圖亭上觀江心寺詩

三山海上失雙峯挿作中川鎮水龍高出赫垣尊御寢  
長拖粉廡過僧筇夜敲圖繞千燈磬曉擊聲聞兩岸鐘  
莫恨無緣隨展鉢時來亭上足從容

某謬題媚川圖江心寺晚荷仲歸兄依韻寵和  
至再愈工勉酬厚意終慙辭費

孤亭面直海壇峯真覩龍翔瑞應龍長羨僧行圖上境  
不勞杯渡水邊筇推移日月東西塔透徹天淵昏曉鐘  
妙處難將聲相見嗟摹終恐費形容

疇翁常之和媚川圖上觀江心寺詩



江北屯雲翳列峯江心靈雨走神龍已拚阮子一生屐  
更倚仙人九節筇曠孤帆昏野渡霏微兩塔濕踈鍾  
何須小米模糊筆潘令新詩足寫容

跋翁井平庶子所藏寫本許深甫集後

許深甫涉齋集十八卷四庫全書提要據永樂大典舊題許綸考定為  
許及之作援據甚詳核而疑及之初名綸其後更名或史未及詳今案集  
中有綸子以筠名齋詩又有與盧次夔直學投贈詩云盧之父有師法  
方訓長孫鑄而次夔近繹子屈致教參孫設蒙綸繹皆從旁蓋以  
偏旁聯名則綸固及之子也宋元人編輯文集但題某官某先生集而繫編  
者姓名於其次此集必許綸所編明人錄詩時未及深考因以為綸作而校  
修四庫書者亦沿其誤耳四庫書目言宋執文志涉齋集三十卷涉齋  
課藁九卷焦竑經籍志許右府涉齋集三十卷今撫拾殘牘編為十卷  
蓋視執文志所載已佚其半故但有文而無詩然在南宋吾鄉諸先輩中

傳詩之多亦無過於深甫者矣四庫書目又言其為詩辨香王安石氣體  
高亮遠過江湖詩派之刻畫瑣碎今按其所作七言古詩用意妙遠者  
幾非後人所能驟然領略其它古詩亦皆排界峭厲在南宋詩人中當  
為健者不但超越江湖一派惟近體詩篇幅淺狹殊之深意則所謂下  
筆稍易者耳此集僅有四庫本今年予在京師居南橫街同年袁  
筱鴈學士所與翁村平庶子同卷偶屬庶子覓鄉先生集庶子以此  
集見示蓋法時帆祭酒詩龕所藏四庫副本既命友人錄副復略為  
校勘所疑仍以歸之庶子深父依附韓平原宋史所載頗為可醜然頗  
記周密齊東野語言趙師異許及之諂媚佞曹之事皆怨家証之不  
深信但佞曹盛時吾鄉諸正人如徐子宜陳君舉薛象先陳壽南輩

皆遭貶斥而深父乃反擢官至知樞密院則附託實所不免意文士急功  
近名如柳子厚之於王叔文特宋史言之太甚耳予以其為鄉先生書  
甚喜得之而其詩用功之深尤有令予不能漠然者然則文字之託亦  
惡可已哉同治七年八月二十四日臨清舟中瑞雲孫衣言



